

Nassuiaatit nalinginnaasut**1. Aallaqqaasiut**

Takornariartitsinermik ingerlataqarneq aamma inuussutissarsiuutigalugu ingerlatsinermi zonenut immikkoortiterineq il.il. pillugit Inatsisartut inatsisaat, UKA2024/28-mi oqaluuserineqarlunilu akuersissutigineqartoq, takornariartitsinermik ingerlataqarnermut siunertaanngitsumik akornusiinnginnerussammat imaluunniit assersuutigalugu akuersissutinik tunniussinermi eqquinerlunnginnerussammat, atorneqarnera pitsannguuteqarfigissallugu allannguutissatut siunnersuut siunertaqarpoq. Ilaatigut immikkut akuersissutinut piffissamik sivitsuisunik, najukkameersut aalajangersimasumik pissutissaqarlutik najugaqartussaataitaneranut malittarisassanik immikkut akuersissuteqarsinnaanermut periarfissiisunik malittarisassanik ilanngussinikkut, inunnut nunami pisuttunut aamma angalasunut imaluunniit akunnittunut isumannaallisaaneq pillugu malittarisassiorsinnaanermut inatsisitigut tunngavissaqalersitsinikkut kiisalu takornariartitsinermik ingerlatat piumaneqarnerisa kiisalu sumiiffinni taakkunani najukkami aningaasaqarnerup nukittorsarneqarnissaa siunertaralugu, sumiiffinni aalajangersimasuni ikitsuinnarnik takornarialerineramik ingerlatsisulinni najugaqarnissamut piunasaqaammit immikkut akuersissuteqarnissamut periarfissaqarnikkut siunertaq taanna naammassineqassaaq.

Zonenut immikkoortiterineranut tunngavissaq Naalakkersuisunit atorneqarpat, tassunga inatsisip atuuffia annertusineqarpoq. Annertusinerup kingunerisaanik, angalanernut aamma akunninnernut tamanut inatsit atuuppoq. Inunnut nunami aalajangersimasumik najugaqanngitsunut malittarisassat taamaallaat atuupput, qanorluunniit peqataagaluarunik.

2. Siunnersuummi immikkoortut pingarnerit

Takornarialerinerami sinaakkutinik nukittorsaanissamik, takornariartitsinermillu ingerlataqartunut siumut nalunangereersunik pilersitsinerunissamik siunertaqarlutik takornariartitsinermut inatsimmi allannguutissat arlaqartut, inatsisissatut siunnersuutitigut matumuunakkut siunnersuutigineqarput. Malittarisassani atuuttuni unammillernartutut paasisat allannguutissani aallaavigineqarput, soorluttaaq inuussutissarsiuutillit allanngujuissusermik pisariaqartitsinerat, inuiaqatigiillu isumannaallisaanermut aamma najukkami ineriartortitsinissamut piunasaqaataat oqimaaqatigiissinniarneqartut.

2.1. Piffissap immikkut akuersissuteqarfiusup sivitsorneqarnera

Inatsit atuuttoq malillugu, sivitsuinissamik periarfissalerlugu ukiunut marlunnet immikkut akuersissummik tunniussisoqarluni piffissaligaasumik akuersissummik tunniussisoqarsinnaavoq. Inuussutissarsiutillit ikaarsaarnissamut sivisunerusumik piffissaqarnissaminnik pisariaqartitsinerat iliuseqarfigiumallugu, pingaartumik najukkami tunngavissiiinissami imaluunniit nunami piginnittuunernik ineriartortitsinissami aaqqiineq taanna sulisaasermi naammangitsoq paasinarsivoq. Tamanna pillugu sivikitsuinnarmik piffissaqarneq ingerlatsisunut nalorninermik pilersitsisinnaanera, aningaasaliissutinullu kigaalaqutaasinnaanera isumaliutiginninnerni aallaavigineqarpoq. Inatsisissamik piareersaataasumik oqallinnerni erseqqissaatigineqarpoq, sivisunerusumik piffissaliineq allannguajaannerusumik pilersitsisinnaassasoq, ilutigisaanillu immikkut akuersissuteqartariaatsip annikillisinneqannginnissaata, ataavartumillu pinngitsoortitsinertut atorineqannginnissaata qulakkeerneqarnissaa eqqarsaatigalugu nangaanermik pilersitsilluni. Aaqqiissutissatut siunnersuutip kingunerisaanik, massakkut piffissaliussaasoq inuussutissarsiutillit pisariaqartitaannut naapertuunnerulersillugu, ilutigisaanilli immikkut akuersissuteqartarnerup pinngitsoortitsinerugallarnertut atornera atatiinnarlugu sivitsorneqassaaq.

2.2. § 11-mik suli naleqqussaaneq

Taassumap saniatigut siornatigut kukkusumik innersuussisimaneq iluarsisuteqarfigissallugu § 11-mi allannguutit aamma siunertaqarput. Taamaattumik piumasaqaatit Naalakkersuisut immikkut akuersissuteqarfigisinnaasariaqagaat §§ 7-10-mi piumasaqaataammata kiisalu § 5 malillugu aalajangersakkat aalajangersagaassammata § 3, imm. 4-mut, § 6, imm. 3-mut, § 10 aamma § 15-imut innersuussutit peerneqarput.

Taassumap saniatigut akiliisinnaassuseqarnissamut tunngaviusumik piumasaqaataasut malinnissaannut malittarisassanit immikkut akuersissuteqartoqarsinnaassanngimmat, immikkut akuersissuteqarnissamut periarfissat annikillisinneqarput. Tamanna pillugu § 7, nr. 3)-mi aamma § 8, nr. 2)-mi piumasaqaataasunit immikkut akuersissummik tunniussinissamut periarfissaq peerneqarpoq.

2.3. Angerlarsimaffik qimallugu allamiinnermi akuersissummik piumasaqaammut ilaatinneqannginneq

Pisut ilaanni immikkut akuersissummik pissarsisinnaaneq inatsimmi atuuttumi periarfissaavoq, ersarissaasoqarnissaali pisariaqartoq paasinarsisimalluni. Pingaartumik pisortani sulinnermi, ilinniarnermi, sivisuumik napparsimanermi kiisalu aapparisaq imaluunniit inooqatigisap angerlarsimaffik qimallugu allamiinnerani periarfissat nangaassutigineqarsimapput. Isumaliutiginninnerit takutippaat, ersarinnerumik malittarisassiuussineq eqqugaasunut siumut nalunangereernerusumik, inatsisitigullu

isumannaallisaaffigineqarnerunerinik pilersitsissasoq. Ilutigisaanik immikkut akuersissuteqarnissami periarfissaqartitsivallaarneq najukkamiinnissamut nalinginnaasumik piunasaqaatinut annikillisisissanersoq nangaassutigineqarpoq. Tunngavilersukkamik tunngavigineqartup saniatigut pissarsisinnaaneq annertusinagu malittarisassat ersarissumik, assigiissaartumillu allassimalersillugit, pisuni eqqaaneqartuni immikkut akuersissummik pissarsisinnaaneq aaqqiissutissatut siunnersuutigineqartup ersarissarpaa.

2.4. Isumannaallisaanermut, upalungaarsimanermullu suliniutit

Kalaallit Nunaanni aalajangersimasumik najugaqanngitsut ingerlataasa nalunaarsorneqarnissaannik piunasaqaasiornissamut, sillimmasiissuteqarnermillu uppernarsaasinnaanissaannik piunasaqaasiornissamut inatsit atuuttoq malillugu killilimmik periarfissaqarpoq. Takornariartitsinermik ingerlatat ineriartornerisigut, matumani aamma aqputini navianartuni angallattoqarnerulerneratigut, ullutsinnut naleqqunnerusumik upalungaarsimanissamik pisariaqartitsinerup isumaliutigineqarnissaanik pissutissaqalersimavoq. Isumannaallisaaneq annertusissallugu Naalakkersuisut kissaatigaat, ilutigisaanilli takornariartitsinermik ingerlatsinermut akornutaasinnaasutut isigineqarsinnaasunik annertuallaanik piunasaqaasiornissaq nangaassutigineqarluni. Aaqqiissutissatut siunnersuutigineqartup kingunerisaanik asimi pisuttuarnissat, angalanissat imaluunniit akunninnissat nalunaarsorneqarnissaannik, asimi pisuttuarnissamut uppernarsaammik pissarsinissamut kiisalu aqputini ersarinnerusumik toqqakkani angalanermut sillimmasiissummik imaluunniit annaaneqarnissamut sillimmasiissummik atuuttumik uppernarsaasinnaassatut piunasaqaasiortoqarsinnaassaaq. Inuusutissarsiutillit eqaassusermik pisariaqartitsinerat eqqarsaatigalugu, isumannaallisaaneq eqqarsaatigalugu aaqqiineq oqimaaqatigiissitsivoq.

2.5. Sumiiffinni takornarialerisoqarpallaanngitsuni immikkut ittumik akuersissuteqarnissamut periarfissaq

Sumiiffinni takornarialerisoqarpallaanngitsuni najugaqarnissamik piunasaqaataasumit immikkut akuersissummik pissarsinissamut inatsit atuuttoq immikkut periarfissaqartitsinngilaq. Najukkami ineriartortitsineq tapersersorumallugu, takornarialerinissamullu tunngavissaq killeqaraluarpalluunniit takornariartitsinermik ingerlatsisoqarsinnaanissaa qulakkeerumallugu, taamatut periarfissaqarnissaq pisariaqarsinnaavoq. Ilutigisaanik immikkut ittumik atuisinnaaneq suliaqarnermi assigiinngissusermik, naligiissitsinermullu annikillisisinermik pilersitsisinnaassanersoq nangaassutigineqarsimavoq. Aaqqiissutissatut siunnersuutigineqartoq sumiiffinni taamak ittumik immikkut akuersissuteqarnissamut periarfissiivoq, kisiannili eqqarsaatigisariaqakkat pillugit Naalakkersuisut ataatsimut eqqarsaatiginnilluarsinnaanerat atatiinnarneqarluni. Piginneqatigiissutsit pingaartinneqarnerussapput, kisiannili naleqqutinngitsumik inerineqarsinnaasunik piunasaqaatinik pilersitsinani.

3. Pisortanut aningaasaqarnikkut allaffissornikkullu kingunerisassai

Pisortanut aningaasaqarnikkut kingunerisinnaasaanik naatsorsuisoqanngilaq.

Taamaakkaluortoq siunnersuut ataatsimut isigalugu pisortani oqartussanut killilimmik aningaasaqarnikkut kinguneqassasoq naatsorsuutigineqarluni. Nalunaarsuinissamut systeminik pilersitsinissamut, malittarisassiornissamut, sulianillu suliaqartariaatsip naleqqussarneqarnissaanut atatillugu siunissami kommuninut asimi pisuttuarnissamut uppernarsaateqarnissamik, isernissamullu uppernarsaateqarnissamik atuutsilersinianut imaluunniit sillimmasiissuteqarnissamik piumasaqaateqarnianut aningaasartuuteqarnerusoqassasoq naatsorsuutigineqarpoq. Aningaasartuutissalli taakkua killeqassasut, asimilu pisuttuarnissamut uppernarsaatinik tunniussinermi akiliutit aqputigalugit ilaatigut aningaasalersorneqarsinnaassasut nalilerneqarpoq. Eqaannerusumik sulianik suliaqartarnej, annaassiniarnernullu aamma upalungaarsimanermut aningaasartuutit annikinnerusut aallarniutaasumik aningaasartuutinut naligiissinneqarsinnaammata, siunnersuut siunissami sipaaruteqarnermik kinguneqassasoq naatsorsuutigineqarpoq. Taamaalilluni ataatsimut isigalugu siunnersuut allaffissornikkut suliaqarnerunissamik kinguneqassaaq, tamannali akiliutinik isertitatigut, eqaallisaanertigullu oqimaatigiissitsilersinnaasutut nalilerneqartumik naggataatigut oqimaatigiittussatut, killilimmillu aningaasartuuteqarfissatut nalilerneqarluni.

3.1. Immikkut akuersissutinut piffissamik sivitsuineq

Immikkut akuersissutinut piffissamik ukiunit marlunnit sivilunerusumik sivitsuineq, najukkami 2/3-imik piginnittuunissamik piumasaqaammik suliffeqarfiit ullumikkut naammassinninngitsut, najukkami piginnittunik amerliliiinnikkut imaluunniit suliffeqarfimmik Kalaallit Nunaannut nuutsinikkut piumasaqaammik naammassinnissinnaanissaanut periarfissaannik annerulersitsissaaq. Aningaasartuuteqarnissamik massakkut sulianik suliarinnittariaatsimik naleqqussaanagerusoqartussaammata, tamanna allaffissornikkut annikinnerusumik suliaqarnerunissamik, annertuumilli aningaasartuuteqarfiunerusussaannngitsumik kinguneqassangatinneqarpoq. Taamaakkaluortoq Naalakkersuisut nalilerpaat, inatsit nutaaq malillugu qinnuteqaatit akuttunerusumik tunniunneqartartussaammata, immikkut akuersissutinut sivilunerusumik piffissaqartitsineq allaffissornermut oqilisaataassasoq.

3.2. Angerlarsimaffik qimallugu allamiinnermi akuersissuteqarnissamut piumasaqaataasumit ilaatinneqannginneq

Angerlarsimaffik qimallugu allamiinnerit ilaannut immikkut akuersissuteqartarnerup atuutsilersinneqarneratigut suliat suliarineqartarnerinut pisariillisaataasinnaassaaq, isumalluutinillu atuinnermut annikillissaataasinnaassalluni. Taamaakkaluortoq malittarisassiornikkut, nakkutilliinissamilu periusissiornikkut aallarniutaasumik allaffissornikkut naleqqussaasoqarnissaa pisariaqartinneqarsinnaassaaq. Aallarniutaasumik aningaasartuutissat (malittarisassiornermut ataasiartumik aningaasartuutissat) killeqassasut

nalilerneqarpoq, siunissamilu eqaannerusumik sulianik suliaqartalernikkut sipaaruteqartoqarsinnaalissalluni.

3.3. Angalanernik, akunninnernik, asimilu pisuttuarnernik nalunaarsuineq, sillimmasiissuteqarnissamullu piunasaqaateqarneq

Angalanerit, akunninnerit aamma asimi pisuttuarnernit nalunaarsorneqarnissaannik, asimi pisuttuarnissamut uppernarsaammik pissarsisoqarnissaannik tassungalu uppernarsaanissaq kiisalu angalanermut imaluunniit annaanneqarnissamut sillimmasiissuteqarnissamik piunasaqaateqarneq, oqartussat allaffissornikkut nutaanik suliaqaalernerinik kinguneqassaaq. Nalunaarsuinissami systeminik pilersitsisoqartariaqarlunilu ingerlatsisoqartariaqassaaq, soorluttaaq nakkutilleeriaasissamik pilersitsisoqartariaqassasoq, tamannalu ingerlatsinermi aningaasartuuteqarnerulernermik kinguneqassalluni. Asimi pisuttuarnissamut uppernarsaatinik tunniussinissaq kommunit akisussaaffigissavaat, allaffissornikkullu aningaasartuutit matussuserneqarnissaannut akiliutinik piunasaqarsinnaassallutik. Siunissami qaninnerusumi systeminik, nakkutilleeriaasissanillu pilersitsinissamut aningaasartuutit annertunaviangitsut nalilerneqarpoq, akiliutitigulli isertitat taakkua ilaatigut aningaasalersorsinnaassavaat. Taamaakkaluartoq ajutoortoqartillugu annaassiniarnernut, upalungaarsimanermullu pisortat aningaasartuutigisartagaannut suliniut siunissami ungasinnerusumi annikillisisinnaavoq.

3.4. Sumiiffinni takornarialerisoqarpallaanngitsuni immikkut ittumik akuersissuteqarnissamut periarfissaq

Sumiiffinni takornarialerisoqarpallaanngitsuni immikkut ittumik akuersissuteqarnissamut periarfissaqarnerulersitsineq, suliat suliarineqartarnerini allaffissornikkut eqaatsumik suleriaaseqarfiusariaqarpoq. Taamaakkaluartorli aningaasatigut annertuumik kingunissaqarsorineqanngilaq, najukkamili pissutsit naliliiffigineqarnerinut atatillugu annikinnerusumik suliaqarnerulernissamik kinguneqarsinnaalluni. Suliat killeqartut pineqarmata, aningaasatigut kingunissai annikitsuinnaassasut nalilerneqarpoq. Taamaakkaluartoq § 5 malillugu malittarisassat nalunaarutitigut aalajangersarneqartariaqarput.

4. Inuussutissarsiuteqartunut aningaasaqarnikkut, allaffissornikkullu kingunerisassai

Inatsisissatut siunnersuut ataatsimut isigalugu inuussutissarsiutilinnut oqilisaassissasoq, nutaanillu piunasaqaateqalissasoq naatsorsuutigineqarpoq. Allanguutit ataasiakkaat apeqqutaatillugit allanguutit nikerarput, pingaartumillu takornarialerisut eqqorneqarlutik, malitsigisaanilli suliaqarfinnut allanut aamma sunniuteqarsinnaalluni.

4.1. Aningaasartuutitigut kingunerisassai

Asimi pisuttuarnissamut uppersaateqarnissamik, sillimasiissuteqarnerullu uppersarneqarnissaanik piumasaqaatinik atuutsilersitsinerup kingunerisaanik, kommunit allaffissornikkut aningaasartuutiminnut akiliuteqartoqartarnissaanik piumasaqarsinnaapput. Akiliutit taakkua suliffeqarfinnut toqqaannartumik aningaasartuutaassapput, taakkualu tamarmiusumik aningaasartuutaannut ilanngullugit naatsorsorneqassallutik. Akiliutit qanoq annertutigissanersut suli aalajangerneqanngilaq, suliffeqarfinnuli ataasiakkaanut annikitsuinnaassasoq nalilerneqarluni. Taassumap saniatigut takornarialerisut pisunnernik neqeroorteqartartut qarasaasiatigut systeminut, sullitanullu attaveqartarnerup naleqqussarneqarnissaanut annikitsumik aningaasartuuteqarsinnaassapput. Aningaasartuutit taakkua annikissasut, ataasiartumillu aningaasartuutaassasut nalilerneqarpoq. Piffissap immikkut akuersissuteqarfiusup sivitsorneqarnissaanik qinnuteqaqqittariaqarnerit ikilisissavai, tamannalu qinnuteqarnermi akiliutinut, suliffeqarfiullu iluani isumalluutininik atuinermtut sipaaruteqarnermik kinguneqarsinnaassalluni.

4.2. Inuussutissarsiutit aaqqissugaanerinit kingunerisassai

Immikkut akuersissutinut piffissanik sivitsuineq suliffeqarfiit pilersaarusiortarnerinit nukittorsaataasinnaavoq, taamaalillunilu aningaasaliinissanut aamma takornariaqarnerup ineriartortinneqarnissaanut patajaannerusumik sinaakkutinik pilersitsisinnaassalluni. Sumiiffinni takornarialerisoqarpallaanngitsuni immikkut ittumik akuersissuteqarnissamut periarfissaqarnerulersitsineq, ingerlatanik ingerlatsinissamut tunngavissaqartussaannikkaluartuni ingerlatsinernik pilersitsinissamut siuarsaataasinnaavoq. Tamanna takornarialerinermit ingerlatat neqeroortitsissutigineqarnerini unammilleqatigiinnermtut, assigiinnngissitaarnermullu annertusaataasinnaavoq. Isumannaallisaanerup annertusineqarneratigut, ajutoornernilu naatsorsuutiginnngisamik aningaasartuutigineqaratarsinnaasut annikillisinneqarnerisigut sillimmateqarnissamik piumasaqaat, nalunaarsuinerlu siunissami ungasinnerusumi niuerfimmut pitsannguisinnaavoq. Tamanna niuerfimmut tatiginninnermik annertusaataasinnaavoq, taamaalillunilu piumaneqarnerat annertunerulersillugu.

4.3. Allaffissornikkut kingunerisassai

Angerlarsimaffik qimallugu allamiinnerit ilaannut ilaatitsinnginneq allaffissornikkut sulianut annikillisaataassaaq, tassani suliffeqarfiit taamaalilluni § 11 malillugu immikkut akuersissummik qinnuteqartussaassanngimmata. Taamaakkaluartuq piumasarineqartillugu uppersaat suli Naalackersuisunut nassiunneqartassaaq. Ataatsimut isigalugu inatsisissatut siunnersuutip kingunerisaanik immikkut akuersissutinut, angerlarsimaffillu qimallugu allamiinnernut atatillugu allaffissornikkut suliat annikillissapput, asimilu pisuttuarnernut aamma sillimasiissutinut atatillugu allaffissornikkut nutaanik piumasaqaateqalissalluni.

4.4. Ataatsimut naliliineq

Inatsisissatut siunnersuut aningaasartuutitut killilimmik kinguneqassangatinneqarpoq, pingaartumik annikinnerusumik akiliutitigut aamma systeminik naleqqussaannikkut, kisianni aamma allanngujuinnerup aamma siumut nalunangereernerup annertusinerisigut inuussutissarsitutit aqqissugaaneritut ilutigisaanik pitsaasumik kinguneqassalluni. Suliaqarfiit ilaanni allaffissornikkut suliat ikilissapput, ilaannili annertusillutik. Ataatsimut isigalugu kingunerisassai inuussutissarsiuutilinnut pitsaasumik sunniuteqarlutik oqimaaqatigiissasut nalilerneqarpoq.

5. Avatangiisinut, pinngortitamut innuttaasullu peqqissusaannut kingunerisassai

Inatsisissatut siunnersuut toqqaannartumik, toqqaannangitsumillu avatangiisinut, pinngortitamut innuttaasullu peqqissusaannut kinguneqassangatinneqarpoq.

5.1. Immikkut akuersissutitut piffissanik sivitsuineq

Immikkut akuersissutitut piffissamik sivitsuinerup kingunerisaanik pinngortitami, sumiiffinnilu takornarialeriffiusuni inuussutissarsiuutigalugu ingerlatsinerit piffissamik sivisunerusumi atatinneqarsinnaanerit kinguneqassaaq. Tamanna pinngortitamut kingunioreersunut kinguneqarsinnaavoq, ilutigisaanilli avatangiisit mianeralugit suliniutitut piujuartussanik aqqiissutissanik, aningaasaliinissanillu siunissamut ungasinnerusumut pilersaarusiornissamut periarfissiissalluni.

5.2. Angerlarsimaffik qimallugu allamiinnermi akuersissummik piunasaqaammut ilaatinneqannginneq

Angerlarsimaffik qimallugu allamiinnermi annertunerusumik iliuuseqarfigineqanngitsumik immikkut akuersissummik tunniussisarneq avatangiisinut annertuumik kingunissaqarsorineqanngilaq, kisiannili ilinniarnissamut aamma inuiaqatigiit nalinginnaasumik atugarissaaneritut tapertaasumik pisortani sulisitaanernut sinaakkutinik allanngujaatsunik tunngavissiinnikkut, toqqaannangikkaluartumik innuttaasut peqqissusaannut sunniuteqarsinnaalluni.

5.3. Angalanernik, akunninnernik, asimilu pisuttuarnernik nalunaarsuineq, sillimmasiissuteqarnissamullu piunasaqaateqarneq

Aqqutini toqqakkani inuit nalunaarsuinissaannik, sillimmasiissuteqarnissaannillu piunasaqaatinik atuutsilersitsineq isumannaallisaanermut, upalungaarsimanermullu nukittorsaataassaaq. Tamanna ajutoornernut ikilisaataasinnaassaaq, taamaalillunilu peqqinnissaqarfimmut ulapputissaqareersumut aamma pitsaasumik sunniuteqarluni. Ilutigisaanik nalunaarsuisarnikkut pinngortitamut sunniutit pitsaanagerusunik kisitsisitigut paasissutissaatigineqalersinnaapput, tamannalu pinngortitami sumiiffinnik mianernartunik piujuartussamik ingerlatsinerunissamut tunngavissiisinnaassalluni.

5.4. Sumiiffinni takornialerisoqarpallaanngitsuni immikkut ittumik akuersissuteqarnissamut

periarfissaq

Inuilaami immikkut akuersissuteqarnissamut periarfissanik annertusaaneq takornarialerinemik ingerlatanut annertusaataasinnaavoq, taamaalillunilu pinngortitaq sunnigaanerusinnaalluni. Taamaakkaluartoq nalilerneqarpoq, sumiiffinni naleqqussaanikkut aamma piujuartussamik ingerlatsisoqarnissaanik piumasaqaateqarnikkut sunniutaa oqimaaqatigiissinnaasoq. Ilutigisaanik ingerlatsinerulerneq timimik aalatitsinerit, pinngortitarlu aallaavigalugu misigisassarsiornerit siuarsarneqarnerisigut innuttaasut peqqissusaannut siuarsaataasinnaavoq.

Isumannaallisaanerunikkut, pinngortitamiissinnaanikkullu innuttaasut peqqissusaannut inatsisissatut siunnersuut pitsaasumik sunniuteqassangatinneqarpoq, kisiannili avatangiisitigut aamma pinngortitatigut kingunerisinnaasaanni atuutsilersitsinerit, ingerlatsinerillu apeqqutaassallutik. Naleqquttumik malittarisassiuussinikkut, nakkutilliinikkullu piujuarnerusussamik, takornarialerinemillu isumannaannerusumik ineriartortitsinissamut allannguutit tapertaasinnaapput.

6. Inuit pisinnaatitaaffii, innuttaasunullu kingunerisassai

§ 15-imi aalajangersakkap nutaap kingunerisaanik inuup Kalaallit Nunaanni aalajangersimasumik najugaqanngitsup pisuttuarnissamut uppersaammik, isernissamut uppersaammik aamma sillimmasiissuteqarnermikt takutitsinnaasariaqarnerata kingunerisaanik, innuttaasut malittarisassamut matumunnga ilaatinneqanngitsut, Kalaallit Nunaanni najugaqarnerminnik uppersaarsinnaasariaqarput.

Innuttaasut tunngavisumik inatsisitigut, europami Inuit Pisinnaatitaaffii pillugit Isumaqatigiissummi imaluunniit nunat tamalaat akornanni isumaqatigiissutini qulakkeersimasutut inuttut pisinnaatitaaffiitut inatsisissatut siunnersuut kingunissaqarsorineqanngilaq.

7. Nunat assigiinngitsut akornanni pisussaaffinnut attuumassutit

Inuit pisinnaatitaaffiitut, nunap inuisa pisinnaatitaaffiitut imaluunniit Namminersorlutik Oqartussat nunat assigiinngitsut akornanni pisussaaffinnut allanut siunnersuut kingunissaqarsorineqanngilaq.

8. Kingunissat annertuut allat

Siunnersuut allatigut annertuumik kingunissaqarsorineqanngilaq.

9. Oqartussanik suleqatigiiffinnik il.il. tusarniaaneq

Siunnersuut piffissami 23. december 2025-mit, 25. januar 2026-mut Namminersorlutik Oqartussat tusarniaavianni tamanut tusarniutigineqarpoq, tulliuttumilu

tusarniaavigineqartunut nassiunneqarluni:

1. Avannaata Kommunia
2. Qeqqata Kommunia
3. Kommune Qeqertalik
4. Kommuneqarfik Sermersooq
5. Kommune Kujalleq
6. Sulisitsisut
7. Sulinermik Inuussutissarsiuteqartut Kattuffiat (SIK)
8. Nunatsinni ilinniagartuut kattuffiat (ASG)
9. Ilinniartitsisut Meeqqat Atuarfianeersut Kattuffiat (IMAK)
10. Nunatsinni Perorsaasut Kattuffiat (NPK),
11. Peqqinnissaq Pillugu Kattuffiat (PPK),
12. Atorfillit Kattuffiat
13. Kalaallit Nunaanni Aalisartut Piniartullu Kattuffiat (KNAPK)
14. Qeqertalik, Business Council
15. Arctic Circle Business
16. Sermersooq Business Innovation
17. Innovation South Greenland
18. Visit Greenland
19. Nalik Ventures
20. Air Greenland
21. Nuna Advokater
22. Arctic Law
23. Advokatfirmaet Malling & Hansen
24. Inuit Law
25. Eqqartuussissuserisoq Naja Joelsen
26. Eqqartuussissuserisoq Aviâja Helms
27. Eqqartuussissuserisoq Marie Louise Frederiksen
28. Grønlands Revision
29. Kirk Larsen & Ascanius
30. Benedikte Dahl Nielsen
31. BDO
32. WWF
33. Oceans North Kalaallit Nunaaat
34. Pinngortitaleriffik
35. Association of Arctic Expedition Cruise Operators (AECO)
36. Cruise Lines International Association
37. Arctic Umiaq Line
38. Royal Arctic Line

39. Blue Water Shipping
40. Eimskip
41. Disko Line
42. Greenland Airports
43. Sikuki
44. Grønlandsbanken
45. Bankivik
46. Kalaallit Nunaanni politiit
47. Transparency International

Ilanngussaq 2 aamma innersuussutigineqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Inatsisip taaguutaanik ”Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat”-nit, ”Takornariaqarneq, zonenullu immikkoortiterineq pillugit Inatsisartut inatsisaat”-nut allannguinnikkut, inatsisip atuuffiata siammasinnerusumik aamma matussusiinnerusumik sinaakkuteqarnissaa anguniarneqarpoq.

Atuuffianik annertusaaneq:

Inatsit niuernermik tunngavilimmik ingerlatsisunuinnaq atuutigani, aammali ingerlatanut inuussutissarsiornermik ingerlatsinerunngitsunut, matumani aamma inunnut nunami angalasunut, akunnittunut imaluunniit asimi pisuttuarnut aamma atuuttoq, nutaamik taaguuteqalerneratigut erseqqissaatigineqarpoq. Zonenut immikkoortiterinermi malittarisassat takornariartitsinermik ingerlatanut, inuussutissarsiutigalugu ingerlatanut, inunnullu nunami aalajangersimasumik najugaqaratik nunami angalasunut imaluunniit akunnittunut atuutissasut eqqarsaataavoq.

Angalanerup, akunninnerup, asimilu pisuttuarnep malittarisassiuunneqarnerat:

Taakkua takornariaqarnermi pingaarutillit ilagaat, nalunaarullu malillugu ingerlatat taakkua nalunaarsuinissamut, aaqqissuussinissamullu malittarisassanik ersarinnerusunik aalajangersaasoqarsinnaassasoq siunertaavoq.

Erseqqissuseq, paasiuminassuserlu:

Taaguutaata allanngortinneqarneratigut inatsisip taaguutaa inatsisip imarisaanut, siunertaanullu naapertuulluni, inuussutissarsiuutigalugu ingerlatanut pisariaqanngitsumik teknikkikkut ukkataqarani ajornannginnerunissaanut, paasiuminarnerunissaanullu tapertaavoq. Taamaalilluni innuttaasut, oqartussat, takornariartitsinermillu ingerlataqartut inatsisip atuuffianut paasinninnissaat annertusineqassaaq.

Nalunaarsuinissamut malittarisassat, inuillu asimi pisuttuarnissaannut uppernarsaat inuussutissarsiornermik ingerlatsineq eqqorlugu immikkut ittumik siunertaqarmata, inatsisip taaguutaa annertusaanermut tassunga naapertuunnissaa pingaaruteqarpoq.

Nr. 2-mut

Aalajangersakkap allanngortinneqarneratigut inuussutissarsiuutigalugu ingerlatat, inuillu nunami angalasut imaluunniit akunnittut zonenut immikkoortiterineq pillugu § 15 malillugu malittarisassiuunneqartunut taamaallaat ilaatinneqassasut siullertut erseqqissaatigineqarpoq. Akuersissut pillugu kapitali 2-mit 8-mut malittarisassanut inuussutissarsiuutigalugu ingerlatat aamma inuit akuliunneqassanngikkaluarput. Allannguuteqarnikkut inatsisip atuuffia takornariartitsinermik ingerlataqarnerinnarmut aamma inuussutissarsiuutigalugu ingerlatsinerinnarnut atuukkaluortoq, aamma inunnut nunami angalasunut imaluunniit akunnittunut atuuttussanngorlugu annertusineqassaaq.

Atuuffianik annertusaaneq: ingerlatanut inuussutissarsiuutigalugu ingerlatsinerunngikkaluartunut, aammali takornarialerinnermut pingaarutilimmik ilaasunut, matumani nunami angalanernut aamma akunninnernut inatsisip atuunnissaa oqaasertaliussap nutaap qulakkiissavaa. Angalanerni asimi pisuttuarnerit aamma pineqarput.

Inunnik aalajangersimasumik najugaqanngitsunik ilanngussineq:

Imm. 3-mik immikkut ilanngussinikkut ersarissarneqarpoq, inatsit inunnut nunami aalajangersimasumik najugaqaratik nunami angalasunut imaluunniit akunnittunut aamma atuuttoq. Inatsit inunnut taakkununga atuuppoq, qanorluunniit tamanna aaqqissuussamik takornariartitsinermut, inuussutissarsiornermut imaluunniit niuerneramik tunngavilimmik ingerlatsineritut imaluunniit nammineq aaqqissuussamik/niuerneramik tunngaveqanngitsumik pigaluarpat. Taamaalilluni aaqqissuussaasumik, namminerlu angalanerit aamma akunninnerit assigiissaartumik malittarisassiuunneqarnissaat qulakkeerineqassaaq.

Nr. 3-mut

Sullissinerit unnuinertaqanngitsumik ulluinnarlugu angalanertut aamma ullorpassuarni angalanertut neqeroortigineqartut immikkoortinneqarnerat peerneqarpoq, tassani taakkunani marluusuni sullissinerni malittarisassat, piumasaqaatit imaluunniit suliarineqarnerat nikingassuteqanngimmata. Taamaattumik immikkoortiterineq isumaqanngilaq.

Nr. 4-mut

Takornariartitsinermik ingerlatamut §§ 7-10-mi malittarisassanit immikkut akuersissummik pissarsisimasunut, Naalakkersuisut akuersissummik aamma tunniussisinnanerat aalajangersakkamut ilanngunneqarpoq. Inatsit malillugu akuersissummik peqanngikkaanni takornariartitsinermik ingerlatsisoqarsinnaanngimmat, tak. § 3, imm. 1, inunntut imaluunniit inunntut inatsisitigut pisinnaatitaasunut pisussaatitaasunullu piumasagaatinit immikkut akuersissummik pissarsisimasunut akuersissutinik tunniussisarnissaq aamma pisariaqarpoq.

Nr. 5-imut

§ 3, imm. 4 pisariaqanngimmat atorunnaarsinneqarpoq. Akuersissut inummut inatsisitigut pisinnaatitaasumut pisussaatitaasumullu tunniunneqartoq, suliffeqarfiup CVR-normuanut tunniunneqassaaq. Ingerlatseqatigiiffik piginneqqaartunuunngitsoq tunniunneqaruni akuersissut suliffeqarfimmiiginnassaaq, taamaalillunilu akuersissutip tunniunneqarsimasup tunniunneqarnissaa pineqarani. Akuersissummut piumasagaataasut piginnittut nutaat suli naammassissavaat. Suliffeqarfik akuersissummik pissarserusuttoq tamatuminnga qinnuteqartariaqarpoq, akuersissumullu piumasagaatissat Naalakkersuisunit naliliiffigineqartussaassammata, suliffeqarfiup allap akuersissutaa tigusinnaasariaqarnagu.

Nr. 6-imut

§ 4, imm. 4-mik ilanngussinikkut, akuersissummik pigisaqartut atugassarititat allanngorneri pillugit qinnuteqarsinnaanerinit tunngavissaqalersitsisoqarpoq. Ingerlatamut ingerlanneqareersumut, akuersissummik pigisaqartoq akuersissummik nutaamik qinnuteqarnissaanut taassumap pisussaajunnaarsippaa. Akuersissummi tunniunneqqaartumi atugassarititat allanngorneri pillugit akuersissummik pigisaqartup nalunaaruteqarnissaanik imm. 5 piumasagaasiivoq..

Nr. 7-imut

Takusassarsiortitsilluni takornariartitsisarnermut malittarisassat Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfimmit aquanneqareermata, akuersissutillu tassanngaanniit tunniunneqartareermata aalajangersagaq Aalisarnermut, Piniarnermullu Naalakkersuisoqarfimmit Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoqarfimmut nuunneqartussaammat, takusassarsiortitsilluni takornariartitsisarnermut immikkuullarissumut tassunga akuersissummik tunniussinissamut malittarisassaq ilanngunneqarpoq. Tamanna pillugu Naalakkersuisut akuersissutinik tunniussisarnerinit aalajangersakkatigut tunngavissamik ilanngussisoqarnissaa pisariaqartinneqarsimavoq, soorluttaaq akuersissutinut taakkununga piumasagaatit pillugit ersarinnerusunik malittarisassiuussinissamut inatsisitigut tunngavissaq pisariaqartinneqarsimasoq. Uumasunik nujuartanik takusassarsiortitsilluni taamatut takornariartitsineq qanoq ingerlanneqarnissaanut malittarisassanik

atuutsilersitsisoqarsinnaanissaa, ersarinnerusunik malittarisassiuussinissamut inatsisitigut tunngavissiinerup qulakkiissavaa. Massakut malittarisassat nannunuinnaq atuupput, taakkualu *Nannunik piniarneq illersuinerlu pillugit Namminersorlutik Oqartussat nalunaarutaanni nr. 5, 6. marts 2023-meersumiillutik.*

Nr. 8-mut

CVR-normumut taamaallaat akuersissummik tunniussoqarsinnaasoq ersarissummik allassimasunngorlugu inatsit iluarsineqarpoq. Suliffeqarfik inummit ataatsimit ingerlanneqarluni pigisaminut nalilinnut tamanut akisussaasoq ilanngunneqarpoq, assinganillu inunnit ingerlatseqatigiiffiit takornarialerisinnaanermut akuersissummik tunineqarsinnaajunnaarsinneqarlutik.

Inuit Kalaallit Nunaannut attuumassuteqarlutik angerlarsimaffitsik qimallugu nunami allamiikkallartut, nunamiinnginnertik pillugu takornariatitsinermik ingerlatsisinnaanerminnut periarfissaminnik annaasaqannginnissaat immikkoortut nutaat 2-4 qulakkiissallugu siunertaqarput. Inuit nunami allamiikkallarnissartik sioqqullugu § 7, nr. 1-2-mi piumasagaatinik naammassinnittunut aamma inunnut pisortat sulisitsinerinut peqataasunut, ilinniartunut, ilisimatusartunut, allatigut inuiaqatigiinnut iluaqutaasussamik ingerlatalinnut imaluunniit sivisuumik napparsimanertik pissutigalugu nunami allamiittunut alajangersagaq atuuppoq.

Angerlarsimaffiup qimaqqanerani ilaatinneqannginneq atuutissaaq, taannalu aamma aappaasunut aamma inooqataasunut aapparmi/inooqammi nunami allamiinneranut atatillugu nunami allamiittunut aamma atuutissalluni. Akuersissutinut piumasagaatit, inatsimmilu allatigut piumasagaatit eqqarsaatigalugit ilaqutariit ajornerusumik inissinneqannginnissaat taassumap qulakkiissavaa.

Tassunga atatillugu inooqat ima paasineqassaaq aappatut najugaqatigalugu inooqatigisaq, inoqutigeeqatigisaq, patajaatsumillu inooqatigisaq. Akunnikkallarnertut suup isigineqarnissaanut ukiunik annerpaaffiliisoqanngilaq. Angerlarsimaffiup qimaqqanerata siunertaa naammassippat, takornarialerisinnaanermut akuersissummik ingerlatseqqissinnaanissaaq siunertaavoq. Inatsimmik avaqqussinissamut aarlerinartoqanngitsoq nalilerneqarpoq, taamaattumillu annerpaamik piffissaliisoqarani. Akuersissummik ”tunniussineq” inatsimmi tamarmi aalajangersimasumik taaguutaasariaqarpoq, tamannalu malillugu imm. 1 iluarsineqarluni.

Taassumap saniatigut nassuiaatit nalinginnaasut innersuussutigineqarput.

Nr. 9-mut

Aalajangersagaq oqaatsitigut naleqqussaaneruvoq.

Akuersissummik ”tunniussineq” inatsimmi tamarmi aalajangersimasumik taaguutaasariaqarpoq, tamannalu malillugu imm. 1 iluarsineqarluni.

§ 7 suliffeqarfimmut inummit ataatsimit ingerlanneqartumut CVR-normumut tunngassuteqarmat, normu 5) peerpoq.

Nr. 11-mut

Taassumap saniatigut nassuiaatini nalinginaasuni pingaarnertut immikkoortut innersuussutigineqarput.

Immikkut akuersissutitut piffissatigut sinnaakku tip allanngortinneqarnissaani takornarialerisunut, suleqatinullu allanut attuumassuteqartunut immikkut ittumik patsiseqarlutik inatsisip piumasaqaataanit immikkut akuerineqarnissaminnik pisariaqartitsisunut allanngu jaannerusunik, siunissamullu ungasinnerusunut sinaakkuteqartitsinissamik kissaateqarneq tunuliaqutaavoq. Immikkut akuersissutitut sivisunerusunumik piffissaqartitsinikkut najukkami piginnittut amerlineqarnissaanut periarfissaq annertusineqassaaq, imaluunniit piginnittut 2/3-ii najukkameersuunissaannik piginnittut inatsisitigut piumasaqaammik naammassinnitsinnagit piginnittut Kalaallit Nunaannut nuunneqarnissaannik periarfissaq annertusineqassalluni.

Immikkut akuersissutaaqqaartumut, aamma sivitsuisoqarsinnaanerani Naalakkersuisut piumasaqaatinik suli ataatsimoortitsisinnaanermik periarfissaqarnerisigut, aaqqiissutissatut siunnersuuteqarnikkut eqaatsumik suleriaaseqarneq pigiinnarneqassaaq.

Taassumap saniatigut inatsisartut inatsisaata atortuulersinneqarfiani suliffeqarfimmut pilersinneqareersimasunut taamaallaat immikkut akuersissuteqartoqarsinnaasoq, allannguinermi ersarissarneqarpoq, inatsisartut inatsisaata atortuulersinneqarfiani taakkunungaannaq immikkut akuersissuteqartarnissaq, inatsisiliortut aallaqqaataaniilli siunertarisimammassuk.

Nr. 12-imut

Sumiiffinni takornariatitsinermik ingerlatsiviusuni, §§ 7-8-mi nalinginnaasumik piumasaqaatit ineriartortitsinisamut akimmiffiusinnaatillugit eqaatsumik ingerlatsisoqarsinnaanissaannik § 11 a-mi aalajangersagaq siunertaqarpoq. Taamaalilluni sumiiffinni takornariatitsinermik ingerlatsiviunngitsuni, takornarialerisut imak ikitsigimmata takornariatitsinermik ingerlatat piumaneqarnerat matussuserneqarsinnaatinnagu imaluunniit innuttaasut aamma inuussutissarsiutitigut ingerlatat ikitsuinnaatillugit inatsisiliortut tapersersuissallutik kissaatigaat.

Sumiiffimmi innuttaasoqarpallaanngitsuni imaluunniit aaqqissuussaanikkut unammillernartumik inissisimasuni takornarissat najukkami siuarsaanissamut, suliffissaqartitsinissamut, kulturikkullu ingerlatanut tapertaasinnaatillugit takornarialerinerup ineriartortinneqarnissaanut immikkut akuersissummik pissarsisinnaaneq sakkussatut isigineqassaaq.

Aalajangersagaq manna naapertorlugu immikkut akuersissutinik Naalakkersuisut nalilersuinerminni najukkami ingerlatsisut, avataanilu suleqatigisat akornanni piginneqataanerit annertuumik pingaartittariaqarpaat. Inuussutissarsiutinut, inuiaqatigiinnnullu siammasissumik nukittorsaataasinnaasunik najukkami tunngavilinnik, piujuartussanillu aaqqiissutissarsiornissat siuarsassallugit siunertaavoq. Taamaakkaluartoq erseqqissaatigineqassaaq, piumasagaateqavinneq siunertaanngitsumik inerineqarsinnaasoq pineqanngimmat. Taamaalilluni ingerlatsisumik naleqqutinngitsumik, najukkami innuttaasumik suleqatigiinnissamik isumaqatigiissusiorsimanera piinnarlugu pingaarnersiorneqarnissaanik pisussaaffittut aalajangersagaq isigineqassanngilaq. Eqqarsaatigisariaqartut ataatsimut oqimaaqatigiissinneqarnerisigut, matumani aamma ingerlatsisut piginnaasai, suliniutip piujuartussaanera, inuiaqatigiinnnullu sunniutissai ilanngullugit Naalakkersuisut suli nalilersuisassapput.

Immikkut akuersissutip sivissusaa imm. 2-mi aalajangersarneqarpoq. Pisariaqartitsinerup, sunniutaatalu ataavartumik naliliiffigineqartarnissaat qulakkeerumallugu, ukiut marlukkaarlugit sivitsuinissamut periarfissalerlugu ukiunut pingasunut killiliisoqarpoq.

Nunatigut, aaqqissuussaanikkullu assigiinngissutsit isiginiarneqarlutik, oqimaaqatigiittumillu aamma akuutitsisumik ineriartortitsinissaq tapersorsorlugu Kalaallit Nunaanni takornarialerinerup nukittorsarneqarnissaanut aalajangersagaq sakkussatut isigineqassaaq.

Nr. 13-imut

Nunami angalanerit, akunninnerilluunniit toqqissisimanartumik pinissaat, aammalu upalungaarsimanissami, annaassiniarnissami, pilersaarusiornissamilu atugassanik oqartussat pisariaqartunik paasissutissanik peqarnissaat qulakkiissallugu, aalajangersakkamik tassannga allannguinnissami siunertaavoq. Taassuma saniatigut isernissamut upernarsaatit sumiiffinnut ornigarneqartorujussuarnukarnissanut killiliisinnaavoq. Zonenut immikkoortiterineq pillugu nalunaarut kommunit atorniarlugu aalajangerunik pisuttuarnissamut upernarsaateqarnissaq, isernissamullu upernarsaateqarnissaq piumasarisinnaavat. Immikkoortunut taakkununga immikkut illuinnartunut kommunit immikkoortitaannut kiffaanngissuseqartumik angalanissanut tamanna killiliissaaq.

Pisuttuarnissamut upernarsaat upalungaarsimanermut aamma annaassiniarnissamut pingaaruteqarsinnaasunik aqqutigisassanik, sumiiffissamik, naatsorsuutigisamik

sivisussusissamik imaluunniit attaveqaataasussat pillugit paasissutissanik paasissutissaqarsinnaavoq.

Taamaalilluni uani angalaneq imaluunniit akunninneq aaqqissuussamik takornariartitsinermik ingerlatamut, inuussutissarsiutigalugu imaluunniit niuerneramik tunngavilimmik ingerlatamut, imaluunniit nammineq aaqqissuussamut aamma niuerneramik tunngaveqanngitsumik ingerlatamut atagaluarpalluunniit, inuit Kalaallit Nunaanni aalajangersimasumik najugaqanngitsut tamarmik inatsisip piunasaqaataanut ilaalersillugit aalajangersagaq ilusilerneqarpoq.

Inuit nunami aalajangersimasumik najugaqartut nunami aaqqissuussanut aamma malittarisassanut, matumani aamma upalungaarsimanermit inatsimmut, peqqissutsimut sillimmasiissummut, kommunillu annaassiniarnissami upalungaarsimanerinit ilaatinneqareermata, inunnik nunami aalajangersimasumik najugaqartunut ilaatitsinnginneq patsiseqarpoq. Tamanna pillugu asimi pisuttuarnernut atatillugu nalunaarsuisarnissamik, sillimmasiissuteqarnissamillu qaavatigut piunasaqarfigineqarnissaat pisariaqanngitsoq nalilerneqarpoq.

Taamatut killiliinikkut qulakkeerneqassaaq:

Takornarissanik, tikeraanillu naligiissitsineq: piunasaqaatit kikkunnut tamanut aalajangersimasumik najugaqanngitsunut atuupput, tamannalu neqerooruteqartartunut aamma oqartussanut paasiuminassusermik pilersitsilluni.

Upalungaarsimanermit eqaaatsumik pilersaarusionerq: Nalunaarsuinissamik aamma sillimmasiissuteqarnissamik piunasaqaateqarnikkut ajutoortoqartillugu imaluunniit ujaasisoqartillugu oqartussat sukkasuumik, siunnerfilimmillu qisuariarnissaannut periarfissiissapput.

Najukkami innuttaasunut pisariillisaanerq: Inuit nunami aalajangersimasumik najugallit aaqqiissutinut pioreersunut ilaatinneqareermata, tassani ilaatinneqanngillat.

Akuersissuteqarnermit atortuulersinneqarnissaanut taakkuninnga qaammatinik 18-inik piffissaliinikkut, allannguutit pillugit takornarialerisut ilimasaarnissaat, tassanngaanniillu suliffeqarfimminnik allanngunissaminnut piffissaqartinneqarnissaat aalajangersakkap qulakkissavaa.

Naalackersuisoqarfiup nalilerpaa, zonenut nalunaarut malillugu killiliinerit, Kalaallit Nunaata ilaani aalajangersimasuni angalasinnaatitaanermit tamanilu angallanneq aamma piunasaqaatit pillugit nalunaarut nr. 138, 8. februar 2010-meersumi malittarisassanut akerliunngitsut.

Massakktut aaqqiissummit malittarisassanut nutaanut eqaatsumik, siumullu nalunangereersumik ikaarsaarnissaq qulakkiissallugu aalajangersagaq siunertaqarpoq. Inatsisip atortuulersinneqarfia, ilaatigullu § 11 malillugu piffissaligaasumik akuersissutit immikkut akuersissutillit tunniunneqareersut qanoq iliorfigineqassanersut aalajangersakkami aalajangersarneqarpoq.

Inatsisip atortuulersinneqarnissaa sioqqullugu suliffeqarfinnut § 11 malillugu immikkut akuersissummik tunineqarsimasunut, aalajangersakkatigut erseqqissaanermik pilersitsisoqassaaq. Immikkut akuersissutit taakkua annertunerusumik iliuseqarfigineqanngitsumik ukiunut tallimanut atuuttussanngorlugit sivitsorneqassapput, taassumallu uteqqiasumik qinnuteqartarnissamik pisariaqartitsineq annikillisissavaa, suliffeqarfiullu pilersaarusiorterani ataavartitsinissaq qulakkiissallugu. Ilutigisaanik sivitsuineq piumasaqaatinut allannguinnginnerussammat, aalajangiinerni ataasiakkaani piumasaqaatit aalajangersarneqarsimasinnaasut pigiinnarneqassapput.

Suliffeqarfimmi pissutsit annertuumik allanngorpata imaluunniit piumasaqaatinik annertuumik unioqqutitsisoqarnerani immikkut akuersissut sivitsorneqassanngitsoq Naalackersuisut aalajangiisinnaammata, aalajangersagaq aamma qularnaveeqqutitaqarpoq. Taamaalilluni immikkut akuersissuteqarnermi piumasaqaatinik tunngavissiiisunik suliffeqarfinnut suli naammassinnittunuinnaq, sivitsuisoqarsinnaanissaa qulakkeerseqassaaq.

Siunnersuut inatsimmut atuuttumut nallersuullugu	
<i>Oqaasertaliunneqartut atuuttut</i>	<i>Siunnersuut</i>
	§ 1 Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaanni nr. 62, 25. november 2024-meersumi tulliuttutut allannguisoqassaaq:
Takornariartitsinermik ingerlataqarneq aamma inuussutissarsiutigalugu ingerlatsinermi zonenut immikkoortiterineq il.il. pillugit Inatsisartut inatsisaat	1. Maleruagassap taaguutaa ima oqaasertalerneqassaaq: ”Takornariaqarneq, zonenullu immikkoortiterineq pillugit Inatsisartut inatsisaat nr. xx, xx. Xxxx 2026-meersoq”.
<p>§ 1. Takornariartitsinermik ingerlataqarnermut Inatsisartut inatsisaat atuuppoq.</p> <p><i>Imm. 2.</i> Inuussutissarsiutigalugu sulinermut Inatsisartut inatsisaat aammattaaq atuutissaaq.</p> <p><i>Imm. 3.</i> Ingerlatanut sumiiffinninunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat naapertorlugu akuersissutini ilaatinneqartunut Inatsisartut inatsisaat atuutinngilaq.</p> <p><i>Imm. 4.</i> Inunnut imaluunniit inatsisitigut pisinnaatitaasunut pisussaatitaasunullu, Kalaallit Nunaannut imaluunniit Kalaallit Nunaannit imaluunniit Kalaallit Nunaanni inunnik angallassinermik suliaqartunut, tassunga atatillugu takornariartitsinermik ingerlataqarneq suliarineqarani, Inatsisartut</p>	<p>2. § 1 ima oqaasertalerneqassaaq:</p> <p>” § 1. Takornariartitsinermik ingerlataqarnermut Inatsisartut inatsisaat atuuppoq.</p> <p><i>Imm. 2.</i> Inatsisartut inatsisaata kapitali 9-a malillugu malittarisassat atuutsilersinneqartut, takornariartitsinermik ingerlataanatik inuussutissarsiutigalugu ingerlatanut allanut aamma atuussinnaapput.</p> <p><i>Imm. 3.</i> Inatsisartut inatsisaata kapitali 9-a malillugu malittarisassat atuutsilersinneqartut, inunnut maani aalajangersimasumik najugaqaratik nunami angalasunut imaluunniit akunnittunut aamma atuussinnaapput.</p> <p><i>Imm. 4.</i> Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat malillugu akuersissutini ingerlatanut Inatsisartut inatsisaat</p>

<p>inatsisaat atuutinngilaq, taamaattoq § 15 takuuk.</p> <p><i>Imm. 5.</i> Inuussutissarsiutit inatsisartut inatsisaannit matuminnga ilaatinneqartussaangitsut pillugit Naalakkersuisut aalajangersakkanik erseqqinnerusunik aalajangersaasinnaapput.</p>	<p>atuutinngilaq.</p> <p><i>Imm. 5.</i> Inunnut imaluunniit inatsisitigut pisinnaatitaasunut pisussaataitaasunullu, Kalaallit Nunaannut imaluunniit Kalaallit Nunaannit imaluunniit Kalaallit Nunaata iluani inunnik angallassinermik taamaallaat suliaqartunut, tassunga atatillugu takornariartitsinermik ingerlatsisoqartinnagu, Inatsisartut inatsisaat atuutinngilaq, taamaattoq tak. § 15.</p> <p><i>Imm. 6.</i> Inuussutissarsiutit inatsisartut inatsisaannit matuminnga ilaatinneqartussaangitsut pillugit Naalakkersuisut aalajangersakkanik ersarinnerusunik aalajangersaasinnaapput.”</p>
<p>§ 2. Inatsisartut inatsisaanni matumani takornariartitsinermik ingerlataqarneq ima paasineqassaaq, pingaarnertut takornarianut aningaasaqarnikkut ingerlatsinerit ingerlatsinerillu allat, Kalaallit Nunaanni misigisaqartitsinissamik iluseqartumik sullissinermik neqerooruteqarnissamik siunertaqartut, aamma ima tuniniarneqartut:</p> <p>1) ulloq naallugu angallassinert unnuinertaqanngitsut, aamma</p> <p>2) angallassinert ullunik arlalinnik sivisussuseqartut.</p>	<p>3. § 2, imm. 1, ima oqaasertalerneqassaaq:</p> <p>” § 2. Inatsisartut inatsisaanni matumani takornariartitsinermik ingerlataqarneq ima paasineqassaaq, pingaarnertut takornarianut aningaasaqarnikkut ingerlatat aamma ingerlatsinerit, Kalaallit Nunaanni misigisaqartitsinissamik iluseqartumik sullissinermik neqerooruteqarnissamik siunertaqartut.”</p>
<p><i>Imm. 2.</i> Inunnut imaluunniit inatsisitigut pisinnaatitaasumut pisussaataitaasunullu, §§ 7-miit 10 ilanngullugu malillugit piunasaqaatinik naammassinnittunut, Naalakkersuisut akuersissutinik atulersitsissapput. Takornariartitsinermik ingerlataqarnissamut t akuersissut, tamanna</p>	<p>4. § 3, imm. 2, ima oqaasertalerneqassaaq:</p> <p>” <i>Imm. 2.</i> Inunnut imaluunniit inatsisitigut pisinnaatitaasunut pisussaataitaasunullu, §§ 7-mit 10 ilanngullugu malillugit piunasaqaatinik naammassinnittunut imaluunniit kapitali 6-imi malittarisassat malillugit immikkut akuersissummik tunineqarsimasunut, Naalakkersuisut</p>

<p>immikkut ittumik pissutsit pissutissaqartippassuk, piffissamut aalajangersimasumut killilerlugu atulersinneqarsinnaavoq.</p>	<p>akuersissutinik tunniussissapput. Takornariartitsinermik ingerlataqarnissamut akuersissut, tamanna immikkut ittumik pissutsit pissutissaqartippassuk, piffissamut aalajangersimasumut killilerlugu tunniunneqarsinnaavoq.”</p>
<p><i>Imm. 4.</i> Takornariartitsinermik ingerlataqarnissamut akuersissut, Naalakkersuisunit allakkatigut akuersissuteqarnikkut allanut tunniunneqarsinnaavoq.</p>	<p>5. § 3, imm. 4, atorunnaarsinneqassaaq. Taassumap kingorna imm. 5 aamma 6, imm. 4 aamma 5-inngussapput.</p>
	<p>6. § 4-mi imm. 3-p kingorna immikkoortut nutaat 4-6 ilanngunneqassapput:</p> <p>” <i>Imm. 4.</i> Piumasaqaatit allanngortinneqarnissaannik akuersissutaatillit qinnuteqarsinnaapput, tamanna piffissami akuersissuteqarfiusumi pissutsit allanngortut pissutissaqartippassuk.</p> <p><i>Imm. 5.</i> Pissutsini imaluunniit atugassarititaasuni akuersissummik tunniussinermut tunngavissiiisuni allannguutit sulluunniit, pissutissaqanngitsumik kinguarsarani Naalakkersuisunut ilisimatitsissutiginiisaannut akuersissutaatillit pisussaaffeqarput.</p> <p><i>Imm. 6.</i> Imm. 5-imi paasisitsisussaataitaneq naammassineqanngippat, inatsiartut inatsisaanimmi matumani malittarisassat naapertorlugit akuersissut utertinneqarsinnaavoq imaluunniit allanngortinneqarsinnaavoq.”</p>
	<p>7. § 4-p kingorna ilanngunneqassaaq:</p>

	<p>” § 4 a Uumasut artit immikkut illersugaasut eqqarsaatigalugit uUumasunik nujuartanik takusassassiorititsilluni takornariartitsisarnermut, taamatullu ingerlatsineq immikkut pissusilersorluni ingerlanneqartussaattillugu takornariartitsisartunut Naalackersuisut immikkut akuersissutini Naalackersuisut tunniussissapput.</p> <p><i>Imm. 2.</i> Imm. 1 naapertorlugu akuersissutini tunniunneqartuni piunasaqaatit pillugit Naalackersuisut malittarisassanik ersarinnerusunik aalajangersaasinnaapput.”</p>
<p>§ 7. Takornariartitsinermik ingerlatsisinnaanermut akuersissut taamaallaat tunniunneqarsinnaavoq inummut:</p> <ol style="list-style-type: none"> 1) Kalaallit Nunaanni inuit allattorsimaffianni nalunaarsugaasimasumut, 2) Kalaallit Nunaannut tamakkiisumik akileraartussaataasumut, aamma 3) nammineq pisuussutiminik tamakkiisumik atuisinnaasumut aamma akiliisinnaajunnaarnek-, akiliisinnaannginneq- imaluunniit atorunnaarsitsineq pillugit suliaqarfigineqanngitsumut. 	<p>8. § 7 ima oqaasertalerneqassaaq:</p> <p>” § 7. Suliffeqarfik inummit ataatsimit ingerlanneqartoq tTakornariartitsinermik ingerlatsisinnaanermut akuersissummikt taamaallaat tunniunneqarsinnaavoq, piginnittoq inummut:</p> <ol style="list-style-type: none"> 1) Kalaallit Nunaanni inuit allattorsimaffianni nalunaarsugaasimagunisumut, 2) Kalaallit Nunaannut tamakkiisumik akileraartussaataitaagunisumut, aamma 3) nammineq pisuussutiminik tamakkiisumik atuisinnaagunisumut aamma akiliisinnaajunnaarnek-, akiliisinnaannginneq- imaluunniit atorunnaarsitsineq pillugit suliaqarfigineqanngikkunitsumut. <p><i>Imm. 2.</i> Inunnut Piginnittut pisortani sulinerminnut atatillugu angerlarsimaffik qimallugu sulisitaanerminnut, ilinniarnerminnut, ilisimatusarnerni peqataanerminnut, inuiaqatigiinnullut iluaqutaasussamik ingerlatanut peqataanerminnut imaluunniit sivisuunik</p>

	<p>napparsimanerminniut katsorsartinnerminnut atatillugu Kalaallit Nunaata avataaniikkallartunut, piffissami nunami allamiinnerini imm. 1, nr. 1 aamma 2-mi piomasagaataasunut ilaatinneqanngissinnaapputt atuutinngillat.</p> <p>Imm. 3. Imm. 2-mi Ppissutsinut taaneqartut kingunerisaannik sanut atatillugu inunnutpiginnittup, aappaasa imaluunniit inooqataasa angerlarsimaffik qimallugu allamiinnerini, tassungalu atatillugu pineqartup Kalaallit Nunaata avataaniikkallarnerani imm. 2 assinganik piginnittunut taakkununga aamma atuuppoq.</p> <p>Imm. 4. Imm. 2-mi taasatut nunami allamiinnermut imaluunniit allamik ingerlatsinnermut imaluunniit ingerlatamut uppersaat, peqquneqarnikkut Naalakkersuisunut takutinneqarsinnaassaaq.</p>
<p>§ 8. Inatsisitigut pisinnaatitaasumut pisussaataasumullu takornariartitsinermik ingerlataqarnissamut akuersissut taamaallaat nalunaarutigineqarsinnaavoq ukununga:</p> <ol style="list-style-type: none"> 1) aningaasaatileqatigiiffimmut imaluunniit inuup ingerlatseqatigiiffianut Kalaallit Nunaanni angerlarsimaffeqartumut, 2) akiliisinnaajunnaarnermik, akiliisinnaannginnermik imaluunniit atorunnaarsitsinissaq pillugit suliaqarfigineqanngitsumut, 3) aningaasaatileqatigiiffiup aningaasaataasa minnerpaamik 2/3-ii inunnit § 7, nr. 1- 3-mi piomasagaatinik naammassinnittunit toqqaannartumik toqqaannanngitsumilluunniit pigineqarpata, 4) aningaasaatileqatigiiffimmi 	<p>9. § 8 ima oqaasertalerneqassaaq:</p> <p>” § 8. Suliffeqarfik inummit ataatsimit ingerlanneqarani, tak § 7, Inatsisitigut pisinnaatitaasumut pisussaataasumullu takornariartitsinermik ingerlataqarnissamut akuersissut taamaallaat tunniunneqarsinnaavoq, suliffeqarfik ukununga:</p> <ol style="list-style-type: none"> 1) aningaasaatileqatigiiffiuppatmmut imaluunniit inuup ingerlatseqatigiiffiuppatanut Kalaallit Nunaanni angerlarsimaffeqartoqumut, aamma 2) akiliisinnaajunnaarnermik, akiliisinnaannginnermik imaluunniit atorunnaarsitsinissaq pillugit suliaqarfigineqanngitsumut, 3) ingerlatseqatigiiffiup aningaasaataasa

<p>taasisinnaatitaanermut piginnaatitaaffiit minnerpaamik 2/3-ii toqqaannartumik toqqaannanngitsumilluunniit inunnit, § 7, nr. 1-3-mi piumasaqaatinik naammassinnittunit, pigineqarpata, aamma 5) inuup ingerlatseqatigiiffiani peqataasut minnerpaamik 2/3-ii § 7, nr. 1-3-mi piumasaqaatinik naammassinnippata.</p>	<p>minnerpaamik 2/3-ii inunnit § 7, nr. 1-3-mi piumasaqaatinik naammassinnittunit toqqaannartumik toqqaannanngitsumilluunniit pigineqarpata, 4) aningaasaatileqatigiiffimmi taasisinnaatitaanermut piginnaatitaaffiit minnerpaamik 2/3-ii toqqaannartumik toqqaannanngitsumilluunniit inunnit, § 7, nr. 1-3-mi piumasaqaatinik naammassinnittunit pigineqarpata.”</p>
<p><i>Imm. 5.</i> Upalungaarsimanissamut pilersaarut ajutoorutaasinnaasunik nalilersuineramik tunngaveqassaaq aamma tulliuttunik imaqassalluni:</p>	<p>10. § 9, imm. 5, ima oqaasertalerneqassaaq: ” <i>Imm. 5.</i> Isumannaallisaanermut pilersaarut ajutoorutaasinnaasunik nalilersuineramik tunngaveqassaaq aamma tulliuttunik imaqassalluni:”</p>
<p>§ 11. Pisuni immikkut ittuni §§ 7-imiit 10 ilanngullugu aalajangersakkanit aamma inatsisartut inatsisaanni matumani § 3, imm. 4-p, § 5-ip, § 6, imm. 3-p, § 10, imm. 3-p aamma § 15-ip malitsigisaannik aalajangersakkanit aalajangersarneqartunit, piumasaqaatinik Naalakkersuisut immikkut ittumik akuersissuteqarsinnaapput.</p>	<p>11. § 11 ima oqaasertalerneqassaaq: ” § 11. Suliffeqarfinnut Inatsisartut inatsisaata atortuulersinneqarfiani pilersinneqareersimasunut, tak. § 18, imm. 2, immikkut ittumik pisoqartillugu § 7, nr. 1 aamma 2-mi, § 8, nr. 1-imi aamma , 3-mi aamma 4-mi, -5-imi kiisalu §§ 9-10-mi kiisalu piumasaqaataasunit aamma Inatsisartut inatsisaanni matumani § 5 malillugu aalajangersakkanit aalajangersarneqartunik Naalakkersuisut immikkut akuersissuteqarsinnaapput. Immikkut akuersissut ukiuni tallimani atuuppoq, qinnuteqarnikkulli qinnuteqarnerit tamaasa ukiut marluk tikillugit sivitsorneqarsinnaalluni. Immikkut akuersissummut, tassungalu sivitsuineranut Naalakkersuisut piumasaqaatinik aalajangersaasinnaapput.” Imm. 2. Imm. 1 malillugu immikkut akuersissutinutmmik tunniussinissamut</p>

	<p>piumasaqaatinutt pillugit, suleriaasissanmullu Naalakkersuisut malittarisassanik ersarinnerusunik aalajangersaasinnaapput.”</p>
	<p>12. § 11-p kingorna kapitali 7 sioqqullugu ilanngunneqassaaq:</p> <p style="text-align: center;"><i>Sumiiffinnut immikkut akuersinissamut immikkut periarfissat</i></p> <p>§ 11 a. Sumiiffinni takornariartitsinermik ingerlatanik pilersitsiviusimanningsuni imaluunniit ingerlatsisut imak ikitsigimmata takornariartitsinermik ingerlatat piumaneqarnerat matussuserneqarsinnaanani, takornarialerinermik ingerlatsinernut §§ 7, nr. 1 aamma 2-mi, aamma § 8, nr. 1, 3 aamma 4,1 aamma 3-5-mi piumasaqaataasunit Naalakkersuisut immikkut akuersissuteqarsinnaapputmmik tunniussisinnaapput.</p> <p>Imm. 2. Imm. 1 malillugu immikkut akuersissut ukiuni pingasuni atuuppoqtussatut tunniuneqassaaq. Qinnuteqarnikkut immikkut akuersissut ukiut marlukkaarlugit sivitsorneqarsinnaavoq.</p> <p>§ 11 b § 11 aamma 11 a malillugit immikkut akuersissutit pillugit nik tunniussinermut Naalakkersuisut malittarisassanik ersarinnerusunik aalajangersaasinnaapput.”</p>
	<p>13. Kapitel 9 ima oqaasertalerneqassaaq:</p> <p style="text-align: center;">”Kapitali 9 <i>Inuussutissarsiutigalugu ingerlatanut</i></p>

*aamma inunnut nunami angalasunut
imaluunniit akunnittunut zonenut
immikkoortiterineq*

§ 15. Inuussutissarsiutigalugu ingerlataqarneq, takornariartitsinermik ingerlataqarneq kiisalu inuit angalanerat aamma akunninnerat, tak. § 1, imm. 1-3, taamaallaat sumiiffinni erseqqinnerusumik taasani, piffissami erseqqinnerusumik aalajangersarneqartuni imaluunniit piumasaqaatinik immikkut ittunik eqqortitsinikkut taamaallaat pisinnaaneri pillugit, sumiiffinnillu taakkuninnga toqqaanermut atatillugu suleriaatsit suut atuunnersut pillugit Naalakkersuisut malittarisassanik ersarinnerusunik aalajangersaasinnaapput. Malittarisassat taamak ittut, tamanut saqqummiussinerup siusinnerpaamik qaammatit 18-it kingorna atuutsilersinnaapput.

Imm. 2. Naalakkersuisut malittarisassanik ersarinnerusunik aalajangersaasinnaapput takornariartitsinermik ingerlatat, inuussutissarsiutigalugu ingerlatat imaluunniit inuit Kalaallit Nunaanni aalajangersimasumik najugaqanngitsut angallavinni, sumiiffinnilu ersarinnerusumik toqqaakkani:

- 1) asimi pisuttuarnissat, angalanissat imaluunniit akunninnissat angalanissaq imaluunniit akunninnissaq sioqqullugu nalunaarutigissagaat,
- 2) upalungaarsimanermut aamma annaassiniarnermut atugassanik aqputigisassamik, sumiiffissamik, naatsorsuutigisamik sivisussusissamik, attaveqaatissat paasissutissartaanik, allatigullu paasissutissanik pingaarutilinnik paasissutissaqarsinnaasumik, asimi

	<p>pisuttuarnissamut uppersaammik imaluunniit isernissamut uppersaammik kommunalbestyrelsimit akiliuteqarnikkut kommunimit tunniunneqartussamik pissarsissasut,</p> <p>3) angallavinni aamma sumiiffinni toqqakkani asimi pisuttuarnernut, angalanernut imaluunniit akunninnernut asimi pisuttuarnissamut uppersaammik imaluunniit akunninnissamut uppersaammik aamma matussusiisumik angalanermut sillimmasiisummik imaluunniit annanneqarnissamut sillimmasiisummik atuuttumik uppersaasinnaassasutnassataqassasut, piumasarineqartillugulu oqartussanut taakkua takutissallugit. Nr. 1 malillugu nalunaarsuinermi uppersaat takutinneqarsinnaassaaq.”</p>
	<p style="text-align: center;">§ 2</p> <p>Inatsisartut inatsisaat ulloq 1. juli 2026 atuutilissaaq.</p> <p><i>Imm. 2.</i> Manna tikillugu § 11 atuuttoq malillugu immikkut piffissaligaasumik akuersissutit 1. juli 2026 inatsisip atortuulersinneqarnissaa sioqqullugu tunniunneqartut[UB1.1], ullormiillu tunniunneqarfinit annerpaamik ukiuni marlunni atuuttut, aalajangiinerni ataasiakkaani allatigut piumasaqaatitaqanngippat, immikkut akuersissutip piffissaq aallaqqaataanit tunniunneqarfianit ukiuni tallimani atuuttussanngorlugit annertunerusumik iliuuseqarfigineqanngitsumik sivitsorneqassapput.</p> <p><i>Imm. 3.</i> Suliffeqarfimmi pissutsit annertuumik allanngorpata imaluunniit</p>

	<p>immikkut akuersissummi piumasaqaatinik suliffeqarfik annertuumik unioqqutitsisimappat Naalakkersuisut aalajangersinnaapput, imm. 2 malillugu aallaqqaataanit piffissap saniatigut immikkut akuersissut sivitsorneqassanngitsoq.</p>
--	--

Tusarniaaneq pillugu allakkiaq

Siunnersuut piffissami 23. december 2025-mit, 25. januar 2026-mut tusarniutigineqarpoq.

Siunnersuut tulliuuttumi aqqissuussisimanernut, suliffeqarfinnullu toqqaannartumik nassiunneqarpoq:

1. Avannaata Kommunua
2. Qeqqata Kommunua
3. Kommune Qeqertalik
4. Kommuneqarfik Sermersooq
5. Kommune Kujalleq
6. Sulisitsisut
7. Sulinermik Inuussutissarsiuteqartut Kattuffiat (SIK)
8. Nunatsinni ilinniagartuut kattuffiat (ASG)
9. Ilinniartitsisut Meeqqat Atuarfianeersut Kattuffiat (IMAK)
10. Nunatsinni Perorsaasut Kattuffiat (NPK),
11. Peqqinnissaq Pillugu Kattuffiit (PPK),
12. Atorfillit Kattuffiat
13. Kalaallit Nunaanni Aalisartut Piniartullu Kattuffiat (KNAPK)
14. Qeqertalik, Business Council
15. Arctic Circle Business
16. Sermersooq Business Innovation
17. Innovation South Greenland
18. Visit Greenland
19. Nalik Ventures
20. Air Greenland
21. Nuna Advokater
22. Arctic Law
23. Advokatfirmaet Malling & Hansen
24. Inuit Law
25. Eqqartuussissuserisoq Naja Joelsen
26. Eqqartuussissuserisoq Aviâja Helms
27. Eqqartuussissuserisoq Marie Louise Frederiksen
28. Grønlands Revision
29. Kirk Larsen & Ascanius
30. Benedikte Dahl Nielsen
31. BDO
32. WWF

33. Oceans North Kalaallit Nunaaat
34. Pinngortitaleriffik
35. Association of Arctic Expedition Cruise Operators (AECO)
36. Cruise Lines International Association
37. Arctic Umiaq Line
38. Royal Arctic Line
39. Blue Water Shipping
40. Eimskip
41. Disko Line
42. Greenland Airports
43. Sikuki
44. Grønlandsbanken
45. Bankivik
46. Kalaallit Nunaanni politiit
47. Transparency International

Siunnersuutip imarisaa pillugu tusarniaanermi akissuteqaatit oqaaseqaatillit, tulliuuttumi saqqummiunneqarput. Tusarniaanermi akissutit tiguneqartut naleqqutsillugu allanneqarput. Naalackersuisoqarfiup oqaaseqaatai uingasumik allassimapput. Teknikkikkut kiisalu oqaatsitigut kukkunerusinnasut, amigaataasinnaasullu tusarniaanermut akissuteqaammi erseqqissaatigineqartut, annerusumik oqaaseqaateqarfiginagit iluarsineqarput.

Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalackersuisoqarfik tusarniaanermut akissuteqaatinik tulliuuttunit tigusaqarpoq:

- Arctic Law Greenland ApS
- Sulinermik Inuussutissarsiuteqartut Kattuffiat (SIK)
- Avannaata Kommunia
- Kommuneqarfik Sermesooq, Suliffeqarfiup iluani kiffartuussineq, Inuussutissarsiornermut immikkoortortaqarfik
- AECO
- Sulisitsisut
- Visit Greenland
- Kommuneqarfik Sermersooq, Sanarfinermut Avatangiisinullu Ingerlatsivik
- Sanarfinermut Avatangiisinullu Ingerlatsivik oqaaseqaatissaqanngilaq.
- Nalik Ventures

Tusarniaanermi akissutigineqartut, allannguutissatullu siunnersuutigineqartut tulliuuttumi

saqummiunneqarput. Tusarniaanermi akissutigineqartunut Naalakkersuisut oqaaseqaataat uingasumik allassimapput. Tusarniaanermi akissutit tamakkiisut tamarmik, Inatsisartut ataatsimiititaliaanut suliamik suliaqartussamut nassiuunneqarput.

Arctic Law

Tusarniaanermut akissummi pingaarnert:

1. Piginnaatitsinerit ammasut amerlavallaarput

Qitiusumik apeqqutit ammasumik piginnaatitsinertigut, naliliinikkullu Naalakkersuisunut inatsisitigut tunniunneqarput. Taamaanneratigut inatsit kikkunnut atuunnersoq, immikkullu akuersissutinut suut piumasaqaataanersut ersarlutsippaa.

Svar: Inatsisissatut siunnersuut piginnaatitsissuteqarmat ilumoorpoq, suliassa qarfimmilu najukkamilu pissutsit, nunatigut assigiinnigissutsit, niuerfimmilu pissutsit allanngoraqisut malittarisassiuunneqarnissaannik eqaassuseqarnissaq qulakkeerumallugu tamanna ilisimaaralugu, pisariaqartutullu qinerneqarluni. Inatsisitaviani annikitsortai ilanngullugit, erseqqissumillu malittarisassiuussisoqaruni naleqqutinngitsumik eqartitseratartoqarsinnaavoq, eqaatsumillu aamma pisumut aalajangersimasumik ingerlatsinissaq pinngitsoortissinnaallugu.

Piffissami inatsimmik atortuulersitsiviusumi siumut tamakkiisumik ilisimaneqarsinnaanngitsunik pissutsinut aalajangersimasunut Naalakkersuisut sukkasuumik, naleqquttumillu qisuariarnissaannut periarfissinneqarnissaat siunertaralugit piginnaatitaaffiit ammasut ilusilerneqarput. Ilutigisaanik piumasaqaatit, periaatsillu nalunaarutissani ersarissarneqassapput, taassumallu innuttaasunut aamma inuussutissarsiutinik ingerlatsisunut isertuaatsuunissaq, taakkualu siumut ilisimanninnissaat qulakkiissallugu.

Taamaalilluni inatsisitigut isumannaallisaaffigineqarnermik ajorseriartitsisoqanngilaq, kisiannili inatsit allanngortittaqattaartariaqarnagu malittarisassat pisariaqartitanut naleqqussarneqarsinnaatillugit inatsisitigut sinaakkutit, allaffissornikkullu eqaassuseq ataatsimoortitsillugit malittarisassiuussisoqarluni.

2. Piumasaqaatit ersarissut amigaataanerat

Assersuutigalugu “sumiiffik” sunaanersoq, “ingerlatsisut killilimmik amerlassusillit” qanoq isumaqarnersoq, imaluunniit innuttaasut eqimassusiat qanoq nalilerneqarnersoq nassuiarsimangilaq. Siumut ilisimanninnginnermik, assigiinnigitsumillu suleriaaseqaratarsinnaanermik pilersitsivoq.

Akissut: Inatsisissatut siunnersuut killiliussatut piumasaqaateqarpoq, taakkualu malittarisassanik nunami nunatigut, inuiaqatigiit katitigaanerisigut, inuussutissarsiutitigullu

pissutsinut assigiinngitsorujussuarnut naleqqussaanssamut periarfissiillutik. Inatsimmi 'sumiiffik', 'ingerlatsisut killilimmik amerlassusillit' imaluunniit 'innuttaasut eqimassusiat' aalajangersimasumik, erseqqissumillu nassuiarneqarniarpata pisariaqartumik allanngorarnissaq inissaqartissinnaassanngilaq, naleqqutinngitsumillu suleriaatsimut pituttorsimaffissanik pilersitseratarsinnaalluni.

Taarsiullugu ersarinnerusumik piumasagaatit nalunaarutini aamma allaffissornikkut malittarisassani ersarinnerusumik ilusilersorneqarsinnaammata, pisariaqartitsinermilu nutarterneqarsinnaallutik, taakkunani aalajangersarneqassapput. Taassumap eqaassuseqarnissaq, isertuaatsuunissarlu qulakkiissavai, ilutigisaanillu inuussutissarsiutinik ingerlatsisut malitassaminnik ersarissunik malittarisassaqaassallutik.

Taamaalilluni siumut ilisimanninnginneq pineqanngilaq, kisiannili teknikkikkut aamma pisunut aalajangersimasunut piumasagaatit annikitsortai ilanngullugit, piviusunullu naleqqussarneqarsinnaatillugit naleqquffiitut inissillugit, inatsimmi pingaarnertut sinaakkutissanik aalajangersarlugit malittarisassiuusseriaaseq pineqarluni.

3. Inatsisitigut isumannaallisaaffigineqarnikkut ajornartorsiutit.

Aalajangiinerit malittarisassanik aalajangersimasunik aallaaveqaratik naliliinermik aallaaveqartillugit, eqqartuussivilersuussisinnaaneq ajornarnerulersarpoq imaluunniit taamaassoriinnagaannaassalluni. Tamanna innuttaasut, inuussutissarsiortullu inatsisitigut isumannaallisaaffigineqarnerinut ajorseriartitsvoq.

Akissut: Inatsisissatut siunnersuut naliliinernik imaqarmat ilumoorpoq, kisianni imaanngilaq inatsisitigut isumannaallisaaffigineqarneq ajorseriartooq. Naliliineq inatsiserpaalunni atorneqartarluni ingerlatsinermut inatsimmi ilisimaneqarpoq aammalu inatsisitigut akuerisaalluni, taanna pissutsinut ataatsimoortunut imaluunniit nikerartunut naleqquttumik, pisumullu aalajangersimasumik aalajangiinissamut periarfissiimmat.

Ilutigisaanik ingerlatsinermut inatsisitigut naliliineq ersarilluinnartunik sinaakkuteqarpoq: kinaassusersiunnginnissamut piumasagaat, naleqquttuunissaq, naligiimmik pinninnissaq, tunngavilersorsimasussaataaneq, kingornalu eqqartuussivilersuussisinnaanermut periarfissaqarneq. Eqqartuussiviit naliliineq imatut suliarineq ajorpaat, kisiannili naliliineq eqqortumik aamma inatsisit sinaakkutaasa iluini nalilerneqarsimanersoq suliarisarlugu – nakkutilliinerlu taanna tamakkiisumik ajoquteqanngilaq.

Tamanna pillugu innuttaasut imaluunniit inuussutissarsiutillit inatsisitigut inissisimanerat inatsisissatut siunnersuutip ajorseriannngilaa. Killuanik malittarisassat eqaatsumik, sulinermilu naapertuilluartumik atorneqarsinnaanerat taassumap qulakkeerpa, ilutigisaanillu nalinginnaasumik inatsisitigut isumannaallisaaffigineqarsinnaatitaaneq suli atuullunilu atuutsinneqarsinnaalluni.

4. Tamat oqartussaanerit ernumaneq

Inatsisissatut siunnersuutip malittarisassiorsinnaatitaaneq Inatsisartunit Naalackersuisunut nuutsippaa. Tamat oqartussaananut qajannarsisitsinnaalluni ikaarsaarnertut allaatigineqarpoq.

Akissut: Inatsisartut malittarisassiorsinnaatitaanerini inatsisissatut siunnersuut annikilliliinermik kinguneqanngilaq, kisiannili politikkikkut aalajangiinissat suli inatsisartuni aalajangerneqartarlutik, atuutsinissamullu pissaanillit teknikkimut aamma suliassanik ataavartumik naleqqussarneqartariaqartunik suliaqartillugit, oqimaaqatigiittumik sinnaakkutamik pilersitsilluni.

Inatsisartut tunngaviumik sinnaakkutissanik aalajangersaallutik, Naalackersuisullu ersarissumik, killilersukkamillu piginnaatitaaffiliussatut sinaakkutit iluini aqutsillutik, taamatut suliassanik agguataarineq ingerlatsinermut inatsimmut, tamallu oqartussaaqataanerini tunngavissanut tamakkiisumik naapertuuppoq.

Taamaalilluni pissaanermik nikisitsisoqanngilaq, kisiannili tamat oqartussaaqataanerini tunngavissiillunilu suliassaqaqarfimmi pissutsit annertuumik allanngorarsinnaallutillu eqaatsumik suleriaaseqaqarfiusariaqartuni, malittarisassiuussinermik periuseq naleqquttoq, ilisimaneqartorlu atorreqarluni. Inatsisiliornikkut, nakkutilliinikkut, pisariaqartillugulu sinaakkutinik allannguinnissamut aamma ersarissanissamut periarfissaqartarlutik, Inatsisartut tamakkiisumik nakkutilliineq piginnarpaat.

5. Inatsisip § 1, imm. 2-a aamma imm. 3-a, takornariartitsinermik ingerlataanatik inuussutissarsiutigalugu ingerlatanut allanut aamma atuusSINNAAPUT-mik, aamma inunnut maani aalajangersimasumik najugaqaratik nunami angalasunut imaluunniit akunnittunut aamma atuusSINNAAPUT-mik oqaasertalerneqarnerinut isornartorsiuneq.

AKISSUT: Kapitali 9-mi malittarisassat zonenut immikkoortiterineq pillugu ersarinnerusunik malittarisassiornissamut kisimik tunngavissaqarnerisa, naliginnaaginnartumik kinguneranik oqaasertalerneqarput. Tamanna pillugu kapitali 9 takornariartitsinermik ingerlataanatik inuussutissarsiutigalugu ingerlatanut allanut aamma inunnut atuuttoq § 1-imi allanneqarsinnaanngilaq, tassani Naalackersuisut tunngavissaq taanna atorniarneraat siumut aalajangeriigaanngimmat.

SIK (Sulinermik Inuussutissarsiuteqartut Kattuffiat)
SIK siunnersuummut, imarisaanullu isumaqataavoq.

Avannaata Kommunia

Immikkut akuersissuteqarnermik sivitsuineq
Eqikkaaneq:

Ukiut marluk naammareersutut, eqaareersutullu isigineqarput.

Piffissap iluani najukkami tunngaveqannginnera, kommunip naliliinera malillugu – inatsimmik naammattumik tunngaveqarani – piumassuseqannginnermik patsiseqarpoq.

Sivitsuisoqaruni inatsisip siunertaa annikillissaaq, najukkamilu ingerlatsisut inangerneqaratarsinnaallutik.

Naalackersuisoqarfiup akissutaa:

Kommunip nalilerpaa, massakut ukiut marluk tikillugit immikkut akuersissuteqarsinnaaneq naammareersoq, sivitsuisinnaanerlu inatsisip siunertaanik annikillisisissasoq. Najukkami tunngavissiiinissap qulakkeerneqarnissaanik siunertaq akuersaarparput, kisiannili sivitsuinissamik siunnersuutip siunertaq taannarpiaq tapersersoraq ersarissassallugu pingaartillugu.

Sulinermi misilittakkat takutippaat, najukkami piujuartussanik suleqatigiinnernik pilersitsiniarneq sivisusinnaasartoq. Tamanna pillugu piffissamik akuersissuteqarfiusumik sivitsuineq piumasaqaatinik sakkukilliliinerunngilaq, suliffeqarfilli piumasaqaatinik naammassinnissinnaanissaannut periarfissaqarnissaasa qulakkeerneqarnissaanut sakkussaalluni.

Angerlarsimaffik qimallugu sulisitaanermi akuersissuteqarnissamik piumasaqaammut ilaatinneqannginneq

Eqikkaaneq:

Kommuni isumaaqarpoq, pisut taaneqartut malittarisassanit atuuttunit matussuserneqareersut.

Siunnersuut immikkut akuerineqarnissamut periarfissamik annertusaasoq, taamaalilluni akuersissuteqarnissamik piumasaqaammut sakkukillisaataasoq nalilernerqarpoq.

Najukkami suliffeqarfiit akigalugit avataanit ingerlatsisut salliunneqarnerisigut kommunip isigaa.

Naalackersuisoqarfiup akissutaa:

Inatsisitigut isumannaallisaaffigineqarneq annertusissallugu ersarissaanermi siunertaavoq.

Immikkut akuersissuteqarnissamut periarfissanik annertusaaneq pineqanngilaq, ilaatitsinnginnernilli akuerisaareersunik ersarissaanerulluni.

Isumannaallisaanermut, upalungaarsimanermullu suliniutit

Eqikkaaneq:

Akuersissuteqarniarnermi piumasaqaatit ilaatinneqareermata, kommunip siunnersuut ersarlussoralugulu pisariaqarsorinngilaa.

Uppernarsakkamik kinguneqanngitsumik marloqiusamik

malittarisassiuussisoqaratarsinnaavoq, allaffissornikkullu suliassaqarnerulernermik kinguneqaratarsinnaalluni.

Massakut malittarisassanut atuuttunut sanilliullugu ersarissumik naleqarnerulinngilaq.

Piomasagaatit taakku inunnut Kalaallit Nunaanni aalajangersimasumik najugaqangitsumik, atuuttussanngorlugit, ajornartorsiut taanna § 15, imm. 2-mik annikilliliinikkut iliuseqarfigineqarpoq.

Sumiiffinni takornarialerisoqarpallaanngitsuni immikkut akuersissuteqarnissamut periarfissaq Eqikkaaneq:

Kommunip nalilerpaa, immikkut akuersissuteqarnissamut periarfissaareersut naammattumik eqaassuseqartitsisut.

Immikkut aalajangersagaq siammasissumik atorpeqarsinnaavoq, najukkamilu tunngaveqarnissamik piomasagaammut sakkukilliliilluni.

Najukkami suliniutaasinnaasut inangerneqaratarsinnaapput.

Naalackersuisoqarfiup akissutaa:

Kommunip nalilerpaa, immikkut akuersissuteqarnissamut periarfissaareersut naammattumik eqaassuseqartitsisut.

Periusissiornermut pissutsit nalinginnaasumik sinaakutit iluini piomasagaatinik naammassinninnissap ajornakusoornera piinnarlugu, ineriartortitsinissamut periarfissat annaaneganninnissaat immikkut akuersissuteqarnissamut periarfissatut siunnersuutigineqartut qulakkiissavaat.

Aalajangersagaq siunertaasumit siammasinnerusumik atorsinnaajunnaallugu naatsumik, ersarissunillu piomasagaasarlugu allanneqarpoq. Najukkami ineriartortitsineq tapersersussallugu siunertaavoq – najukkami suliniutit inangernagit.

Kommuneqarfik Sermersooq, Suliffeqarfiup iluani kiffartuussineq, Inuussutissarsiornermut immikkoortortaqarfik

Eqikkaaneq:

Kommunip siunnersuut tigulluarpaa, allaffissornermili aaqqiissutinik pisariitsunik, imaappoq sulianik suliarinnittaatsit assigiissaakkanik, allaffissornermilu sulisut sunik piginnaasaqarnissaannik malittarisassanik ineriartortitsisoqarnissaa innersuussutigalugu.

Taassuma saniatigut pisuttuarniarlutik takornarissat Kalaallit Nunaannut angalanissaminnik inniminneereersut eqqarsaatigalugit kommunip oqaatigissavaa, ulloq atortuulersitsivissatut siunnersuutigineqartoq eqqarsarnartoqarmat, tamanna takornarissat taakkua pisariaqartumik uppersaateqannginnerat patsisaalluni, tamannami Kalaallit Nunaannit siornatigut piomasagaataanikuunngimmat, angalanissaannut ajornartorsiuteqalernermik kinguneqarsinnaammat.

Naalackersuisoqarfiup akissutaa:

Zonenut nalunaarut atorniarnerlugu kommunit namminneerlutik aalajangigassaraat. Maanna pilersarusiornissamut qaammatit 18-it ikkunneqarput.

AECO

Immikkut akuersissuteqarnermut malittarisassat pillugit:

Immikkut akuersissut pillugu AECO tulluuttutut allappoq:

”§11

Immikkut akuersissut ukiunik marlunnik sivitsornissaanut periarfissalerlugu ukiunit marlunnit, pingasunut sivitsorneqarnissaanik siunnersut pitsaavoq, inuussutissarsiutillillu piffissamat sivisunerusumut pilersaarusiornissaminut periarfissaannut pitsanngorsaataassasoq naatsorsuutigineqarluni.

Immikkut akuersissummik pioreersumik sivitsuinisamik siunnersuut, inatsisip atortuulersinneqarfiani ingerlatseqatigiiffinnut Kalaallit Nunaanni ingerlatsisunut akuersissuteqarnissamik piumasagaammit nalinginnaasumik immikkut akuersissummut aamma atuunnersoq, taamaalilluni ikaarsaarfik ukiunut pingasunut sivitsorneqarnersoq ersarluppoq. Innersuussutigaarput, immikkut akuersissummik imminek sivitsuineq, ikaarsaarfimmik ukiunut pingasunut sivitsuinersoq ersarissarneqassasoq.

Naalackersuisoqarfiup akissutaa:

Allannguutissatut inatsimmi ikaarsaarnissamat aalajangersakkami § 2-mi allassimavoq, immikkut akuersissut tunuliaqutaralugu piffissaligaasumik akuersissutit, allannguutissatut inatsisip atortuulersinneqarnissaa sioqqullugu tunniunneqartut imminek ukiunit 2-nit, 5-inut sivitsorneqassasut.

Qinnuteqarnikkut immikkut akuersissut pinerit tamaasa ukiut marlutik tikillugit sivitsorneqarsinnaaneramik massakkut inatsimmi oqaasertaq, oqaasertassatut siunnersuutigineqartumi ukiut marlutik tikillugit sivitsorneqarsinnaaneramik allanngortinneqarpoq. Ukiut 3 + 2-t malillugu immikkut akuersissuteqarnissamat tunngavissiisumut pissutsit allanngunngippata, tamanna qanoq isumaqarnersoq paasiuminaappoq.

Immikkut akuersissummik qinnuteqaat tunngavissat assigalugit akuerineqarsinnaassasoq imaluunniit ukiut taakku 3 +2-t qaangiunneri qinnuteqaat akuerineqarsinnaassaguni, immikkut akuersissummut nutaamik tunngavissaqassanersoq siunnersuummi ersarluppoq.

Naalackersuisoqarfiup akissutaa:

Naalackersuisoqarfik isumaqarpoq kukkusumik 3+2 ikkunneqarsimasoq, ukiunimi marlunni sivitsuisinnaaneq ilanngullugu (5+2) allannguutissatut siunnersuutip ukiuni tallimani atuuttussamik immikkut akuersissuteqarsinnaanissaq anguniarmagu. Sivitsuinissamat piumasagaatit allanngunngillat. Nalinginnaasumik oqaaseqaatini tulluuttoq allassimavoq: ” Immikkut akuersissutinut piffissatigut sinnaakkutip allanngortinneqarnissaani takornarialerisunut, suleqatinullu allanut attuumassuteqartunut immikkut ittumik

patsiseqarlutik inatsisip piumasaqaataanit immikkut akuerineqarnissaminnik pisariaqartitsisunut allanngujaannerusunik, siunissamullu ungasinnerusumut sinaakkuteqartitsinissamik kissaateqarneq tunuliaqutaavoq. Immikkut akuersissutinut sivilinnerusumik piffissaqartitsinikkut najukkami piginnittut amerlineqarnissaannut periarfissaq annertusineqassaaq, imaluunniit piginnittut 2/3-ii najukkameersuunissaannik piginnittut inatsisitigut piumasaqaammik naammassinnitsinnagit piginnittut Kalaallit Nunaannut nuunneqarnissaannik periarfissaq annertusineqassalluni.”
Piffissaq ataaseq sinnerlugu sivitsuinissamut periarfissap peerneqarneranut patsisaasoq tassaavoq, takornarialerinemik ingerlatsisut ukiut 7-it ingerlanerini najukkami tunngaveqalersitsisinnaasariaqarnerinik ilimasunneq, taamaangikkat takornariartitsinermik ingerlatsinissamut akuersissummik pissarsisariaqassanngikkaluarput.

Sumiiffinni aqqissuussaaneq patsisaalluni §§ 7-8-mi piumasaqaataasunik naammassinninnissamut periarfissaqanngitsuni, immikkut akuersissuteqarnissamut siunnersuutip § 11a-va tunngavissaqarmat pitsaasutut isigaarput. Tamanna sumiiffinni takornarialerinermit naleqalersitsinissamik ajornartorsiuteqartussaagaluartuni takornarialerinemik ingerlatsiinnarnissamut, ineriartortitsinissamullu periarfissiisaaq. Sumiiffinni kommunit aggornerisa avataaniittuni, sumiiffinilu takornarialerinermit attaveqaasersuuteqanngitsuni imaluunniit killilimmik attaveqaasersuutitalinni umiarsuarnut takornariartaatinut ilaallutik takornarissanik suli sullissisoqarsinnaanissaanut siunnersuut pingaaruteqarpoq.

Tassunga atatillugu Kalaallit Nunaanni umiarsuarnit takornariartaatinit naleqarnerulersitsinerit toqqaannartumik takornarialerinermiunngitsaq, kisiannili ingerlatsinernit soorlu orsiinernit, umiarsualivinni sullissinernit, usingiaassussinernit, taqussanit, akileraarutinit aamma akitsuutinit il.il. pilersinneqartarmata pingaaruteqarpoq. Kaaviiartitsineq allannguutissatut siunnersuutip tapersersugaa.

2025-mi immikkut akuersissutinik qinnuteqarnerni misilittakkat takutippaat, immikkut akuersissummik qinnuteqaat paasissutissanik sunik imaqaassanersoq, paasissutissat suut immikkut pingaartinneqarnersut, piumasaqaatinillu aalajangersimasunik naammassinninnikkut immikkut akuersissummik pissarsisoqarsinnaanersoq ilaasortagut arlaqartut nalornisimasut. Tamanna pillugu innersuussutigissavarput, suliap suliarineqartarnera aamma paasiuminartuutitsinissaq pillugu suliap suliarineqarnissaanut piffissalerlugu, immikkullu akuersissummut piumasaqaatinik ilallugu inuussutissarsiorfinnut anngunneqarsinaasumik immikkut akuersissuteqartariaaseq nassuiarneqassasoq.”

Naalakkersuisoqarfiup akissutaa:

Inatsisiliortut siunertaraat, allannguutissatut siunnersuummi § 11 b-ssatut siunnersuutigineqartoq malillugu, immikkut akuersissutinut ersarinnerusumik malittarisassanik nassuiaasumik nalunaarummik piaartumik atulersitsisoqassasoq.

Zonenut immikkoortiterineq pillugu:

AECO-p tusarniaanermut akissutaanit tigulaagaq:

”Innersuussutigerusupparput, suliffeqarfinnut inuussutissarsiorfiusunut, inunnullu nunami pisuttunut imaluunniit akunnittunut zonenut immikkoortiterinerup siunertaanik nassuiaasumik, killiliisumillu inatsisip § 15-iani nassuiaasumik ilanngussisoqassasoq. Tassani inatsimmi uani tunngavissinneqarluni zonep suna malittarisassiussaneraa ersarissumik killilerumallugu, tamannalu inatsisinit allanit, soorlu assersuutigalugu imaani isumannaallisaanermut, avatangiisunik aamma pinngortitamik illersuinnermit, aatsitassanillu piaannermit atuutereersunit immikkoortikkumallugu. Ilanngullugu kommunip aggornerisa avataanni sumiiffinnut, soorlu assersuutigalugu Kalaallit Nunaata avannaarsuani kangianilu Nuna Allannugtsaaliugassatut Immikkoortitamut nalunaarutitigut immikkut malittarisassiuunneqarsimasumut aamma inuilaami angallanneq pillugu nalunaarummut atuuttumut zonenut immikkoortiterisinnaaneq qanoq sunniuteqarnersoq ersarissumik killilersimasariaqarpoq.”

Naalackersuisoqarfiup akissutaa:

Zonenut nalunaarut sumiiffinnut taakkununnga allanut malittarisassiuussinngimmat ilumoorpoq.

AECO-p oqaatigaa nalunaarsuinissamut, sillimmasiissuteqarnissamik piumasaqarnissamut, pisuttuarnissamullu uppersaateqarnissamut siunnersuut angallavinnik toqqaanissamut piumasaqaatinik, qaqugukkut sillimmasiissuteqarnissamik piumasaqaasiortoqarsinnaaneramik, malittarisassallu sumiiffinnut sorlernut atuunnerinik killilersuineq amigaataasoq. Malittarisassat kommunip aggornerata iluani kisimi atuunnersut, angalanissamullu nalunaarummi sumiiffiit pineqannginnersut ersarluppoq. Tassunga tunngatillugu zonenik nutaanik toqqaanissami, zonenillu pioreersunik allannguinisami ersarissumik piffisaliussaqaannginnera, tamannalu ingerlatsinut, pingaartumillu umiarsuarnik tarkornariartaatinik takornarialerisunut ukiunik marlunnik siumut pilersaarusiortartunut, annertuumik nalorninermik kinguneqarnera AECO-p uparuaanera tunngassuteqarpoq.

Naalackersuisoqarfiup akissutaa:

§ 15, imm. 1 aamma § 15, imm. 2 malillugit nalunaarutininik atuutsilersitsinermi, maanna pilersaarusiornissamut qaammatit 18-it ikkunneqarput.

Sulisitsisut

§ 1, nr. 2-mut: Inatsisartut inatsisaata kapitali 9-a takornariartitsinermik ingerlataanatik inuussutissarsiutigalugu ingerlatanut allanut aamma atuussinnaanneranut aalajangersagassatut (§ 1, imm. 2) siunnersuut siammasippallaarpoq. Aalajangersagassatut siunnersuuteqarnikkut hotelit, neriniartarfiit, allallu akuersissuteqarnissamik peqquneqarsinnaanerat

ammaanneqarpoq. Periarfissamik taamak ittumik ammaanermi siunertaq takujuminaappoq, tamannalu pillugu Sulisitsisut innersuussutigaa, aalajangersagaq peerneqassasoq.

Arctic Law-ip ataani assinganik apeqqummut akissut Naalackersuisoqarfiup innersuussutigaa.

§ 1, imm. 6-imi aalajangersagassatut siunnersuut aamma ersarluppallaarpoq. Oqaaseq ”suliaqarfiit” siammasissorujussuuvoq. Sulisitsisut innersuussutigaa, kikkut inatsimmi pineqarnersut inuussutissarsiortut tamakkiisumik paasinninniassammata, tassunga piaarnerpaamik nalunaarusiortoqassasoq.

Naalackersuisoqarfiup erseqqissaatigissavaa, imm. 5-iusimasoq maanna imm. 6-inngornera eqqaassanngikkaanni, inatsiseqqaammit taanna allangortinnagu ingerlateqqitaammat.

§ 1, nr. 4-mut: Qanoq pisoqartillugu takornariartitsinermik ingerlataqartumut piffissaligaasumik akuersissummik tunniussisoqassanersoq ersarissassallugu pisariaqarpoq. Akuersissummik pissarsissagaanni pissutsit suut pingaartinneqarnersut eqqarsaatigalugu, ”-sinnaavoq”-mik aalajangersagaq inuussutissarsiutilinnut annertuumik nalornilersitsivoq.

Naalackersuisoqarfiup akissutaa: Piffissaligaasumik akuersissutit pillugit oqaaseq eqqarsaatigalugu, §3, imm. 2 allangortinneqanngilaq. Malittarisassanik immikkut akuersissuteqartoqartillugu akuersissummik aamma tunniussisoqassasoq allannguutissatut siunnersuummi anguniarneqarpoq.

§ 1, nr. 11-mut [§ 11]: Immikkut akuersissut ukiuni 5-imi atuunna pillugu aalajangersagaq killeqanngitsunngortinneqartariaqarpoq. Suliffeqarfiit inatsisip atortuulersinneqarfiani pilersinneqareersimasut, suliffeqarfimmik ineriartortitsisinnaanertik upperalugu inuussutissarsiutertik pilersinnikuuaat. Suliffeqarfiit ingerlatsinerinut sakkortunerusunik piunasaqaateqarnikkut, piunasaqaatiniillu taakkunannga ukiuni 5-iinnarni immikkut akuersissummik tunniussisinnaaneq naleqqunngilluinnarpoq. Taassuma saniatigut ukiunut 5-inut killiliineq inatsisini allani, soorlu aalisarnerup iluani assingusumik aalajangersakkanut naapertuutinngilaq.

Naalackersuisoqarfiup akissutaa:

Immikkut akuersissummik pissarsinissamut periarfissanik pioreersunik allannguutissatut siunnersuut annertusaavoq. Takornarialerinermit inatsisip atortuulersinneqarnerani, takornariartitsinermik ingerlatsisut Kalaallit Nunaannut, najukkamilu innuttaaunut iluaqutaassasut inatsimmi siunertaavoq. Suliffeqarfik sunaluunniit akuersissummumut §§ 7-10-mi piunasaqaatinik naammassinnikkuni akuersissummik tunineqarsinnaavoq, taamaalillunilu

suliffeqarfuit Kalaallit Nunaanni takornialerinerimik ingerlatsisinnaanerinik periarfissamik arsaarneqanngillat.

Aalajangersakkami tassani imm. 2 eqqarsaatigalugu Sulisitsisut kissaatigaat, suliffeqarfiit eqqorneqartut inatsisitigut inissimanertik paasiniassamassuk, kingusinnerpaamik inatsisip atortuulersinneqarneranut atatillugu immikkut akuersissutinik tunniussinissami piumasaqaatit, suleriaatsillu pillugit nalunaarummik atuutsilersitsisoqassasoq.

Naalackersuisoqarfiup akissutaa:

Naalackersuisoqarfiup siunertaraa, inatsit atortuulersinneqarneranut atatillugu nalunaarummik atulersitsisoqassasoq.

§ 1, nr. 12-imut: Sumiiffinni takornialerisoqarpallaanngitsuni takornialerinerup ineriartortinneqarnissaanut periarfissap annertusineqarnissaanik siunertamut, tassungalu atatilluug immikkut akuersissuteqarnissamut periarfissatut siunnersuutigineqartumut Sulisitsisut isumaqataapput. Taamaakkaluartoq Sulisitsisut isumaqarput, immikkut akuersissutit piffisaligaasussanngortinneqarnerat siunertassaqaanngitsoq. Taarsiullugu sumiiffinni takornialerinerimik ingerlatanik pilersitsinissamut, aningaasaliinissamullu tunngavissiiinissaq ukkatarineqartariaqarpoq. Piffissaliinikkut aningaasaleerusussuseqarneq anguneqarneq ajorpoq, naamerluinnaq.

Naalackersuisoqarfiup akissutaa:

Takornarissat amerliartornerat najukkami inuiaqatigiinnut naleqalersikkumallugu, sumiiffinni takornialerisoqarpallaanngitsuni ineriartortitsineq najukkami tunngavissiiinissap eqqarsaatigineqarnissaanut oqimaaqatigiissillugu, takornialerinerimik inuussutissarsiteqarneq piujuartussamik ineriartortinneqarnissaa Naalackersuisoqarfiup anguniarppaa. Tamanna suliffeqarfinnik najukkami ingerlatsisunik eqeersimaartumik akuutitsillutik pilersitsinissamut tunngavissiiinikkut tapersersorneqarpoq.

Siunnersuummut nalinginnaasumik oqaaseqaatit maluginiarneqarpoq, aalajangersakkat ”-sinnaavoq” amerlasut. Taakkua inatsiseqarnermi inissisimanermut annertuumik nalornilersitsisarput, pinngitsoorneqartuaannartariaqarlutillu. Pisunili aalajangersagaq ”-sinnaavoq” pisariaqartutut nalilerneqartillugu, kingusinnerpaamik inatsisip atortuulerinneqarfiani pissutsimik ersarissaasumik nalunaarummik atuutilersitsisoqassasoq naatsorsuutigineqartariaqarpoq.

Arctic Law-imut akissut Naalackersuisoqarfiup innersuussutigaa.

Visit Greenland

Tusarniaamut akissummit tigulaagaq:

Ataatsimut isigalugu Visit Greenlandip nalilerpaa, inatsisip siulliup atortuulersinneqarfianit takornarialerisut unammillernartitaannik siunnersuut annertuumik eqqarsaatiginnittoq.

Takornarialerinerimik ineriartortitsinissamut paasisaqarnerunisamut, oqimaaqatigiissitsinerunissamut, atorsinnaanerusunillu sinaakkuteqarnissamut siunnersuut tapersiivoq.

Immikkut akuersissutinut piffissaliussat sivitsorneqarnerat kiisalu sumiiffinni takornarialerisoqarpallaanngitsumi immikkut akuersissuteqarnissamut periarfissat Visit Greenlandip pitsaasutut isigai. Siunissamut ungasinnerusumut pilersaarusiornissamut, aningaasaliinissamut, najukkamilu tunngavissiiartuaarnissamut allannguutit pitsaanerusunik tunngavissiissasut nalilerneqarpoq.

Pissuttuarfinni toqqakkani nalunaarsuinissamut, pisuttuarnissamut uppernarsaateqarnissamik, sillimmasiissuteqarnissamillu piumasaqaateqarnissamik periarfissaq Visit Greenlandip akuersaarlugulu tapersersorpaa.

Pisuttuarnernik, akunninnernik, pisuttuarfinnillu nalunaarsuinerimut atatillugu Visit Greenlandip innersuussutigaa, nunami digitalikkut systemi ataatsimoorussa upalungaarsimanerimut, annaassiniarnermullu tunngavissiisinnaasoq kiisalu tamat isiginnissuteqarnissamik, ilutigisaanillu inuit pinngitsoorsinnaanagit aaqqiissutit annikillisisinissamik qulakkeerisinnaasoq isumaliutigineqassasoq.

Naalackersuisoqarfiup siuliani allassimasoq tusaatissatut tiguaa.

Taassuma saniatigut Visit Greenlandip kaammattuutigissavaa, inatsimmut atatillugu “suliaqarfii” qanoq paasineqassanersoq ersarinnerusumik nassuiarneqassasoq. Oqaaseq siammasippoq, ersarissarluarneqarnerugunilu paasilluarnissaa, siumut nalunannginnissaa, assigiimmillu aqutsinissaq annertusineqassalluni.

Sulisitsisunut akissut Naalackersuisoqarfiup innersuussutigaa.

Ataatsimut isigalugu Visit Greenlandip nalilerpaa, inatsiseqqaamut sanilliullugu allannguutissatut siunnersuut takornarialerisunut piumasaqaatinut assigiinngitsunut tunngavissiinerusoq, Kalaallit Nunaannilu takornarialerinerup ineriartortinneqarnissaanut sinaakkutinut ersarinnerusunut, naapertuilluarnerusunut, atorneqarsinnaasunullu tapertaasoq. Ersittumik, najukkamullu naleqqussakkamik atuutsilersitsinikkut najukkami inuiaqatigiinnut, inuussutissarsiutinut, pinngortitamullu iluaqutaasussamik akisussaassuseqarnerusumik takornarialerinerimik ineriartortitsinissamut, siunnersuut pingaarutilimmik alloriarnerusoq nalilerneqarpoq.

Kommuneqarfik Sermersooq, Sanarfinermut Avatangiisinullu Ingerlatsivik
Sanarfinermut Avatangiisinullu Ingerlatsivik oqaaseqaatissaqanngilaq.

Nalik Ventures

Tamaat allallugu:

”Immikkut akuersissutitut piffissaliussamik sivitsuineq Nalik Ventures A/S-ip tapersorsorpaa.

Taassuma suliffeqarfiit ulaperulunginnerullutik piginnittut aaqqissugaanerisa allannortinnissaasa aaqqissuunnissaannut periarfississavai.

Nuukkallarnissanut/angerlarsimaffik qimallugu sulisitaagallarnernut patsisaasinnaasut arlaliusinnaasutut, piginnittut nunanit allaneersuutillugit najukkami tunngavissinneqarnissaa immikkoortitissallugu isumaliutigineqarsinnaavoq. Amerlanerusut kissaatigunikku takornarialerinemik ingerlatsinemik ammaasinnaaniassammata, pineqartumi eqaannerulersitsinissaq Nalik Venturesip tapersorsorpaa.

Isumannaallisaaneq aamma Upalungaarsimaneq eqqarsaatigalugit pisoq qanimut malinnaavigissallugu isumaliutigineqarsinnaavoq, aatsaallu ajornartorsiutit pilernerat ilutigalugu malittarisassat annertunerusumik atuutsilersillugit. Inuusutissarsiorfimmi ajunaarnissat, misigisaqapilunnisallu soqutigisarinnigilaat.

Najukkami inuusutissarsiorfiit takornarialerinemik suliniutinik aallartitsimanngippata, ingerlatanik aamma nammineq suliniutinik, aamma nunanit allanit, ammaanissaq Nalik Venturesip tikilluaqquaa. Aningaasaliissutigineqartut taava illersorneqassappat?

Assersuutigalugu ingerlatsisoq nunanit allaneersoq ingerlataminik iluatsilluartumik ingerlatsisoq, najukkameersorlu aallartitsiniartuq takorloorneqarsinnaavoq. Naligiimmik atugassaarluni unammilleqatigiittoqassava?”

Naalackersuisoqarfiup akissutaa:

Ingerlatsisut najukkameersut, nunaniillu allaneersut tunngaviusumik piumasagaatit naammassigunikkut takornarialerinemik pilersitsisinnaaniassammata, ingerlatsisinnaaniassammatalu, kingullertut iluarsisutit periarfissanik amerlanerusunik ammaassissallutik siunertaqarput. Tamanna pillugu nalilerneqarpoq, eqaannerusumik pullaveqarnissamik pisariaqartitsineq eqqarsaatigineqareersoq, taamaattumillu massakkut annerusumik immikkoortiterisoqaruni naleqarnerulersitsissanngitsoq.

Sumiiffinni takornariartitsinemik ingerlatanik pilersitsiviusimanngitsuni imaluunniit ingerlatsisut imak ikitsigimmata takornariartitsinemik ingerlatat piumaneqarnerat matussuserneqarsinnaanani immikkut akuersissutit pillugit, suliffeqarfik immikkut akuersissummik (taamaalillunilu piffissaligaasumik akuersissummik) tunineqartuq siunissami najukkami tunngavissiiniarnissani anguniassagaa, tunngavissiinerlu anguneqarpat akuersissummik ataavartussamik tunineqarsinnaanissaa inatsisip siunertaraa. Sumiiffimmi aalajangersakkap atuuffigisaani suliffeqarfittut ingerlaleraanni, siunissami sumiiffimmi suliffeqarfiit allat unammillersinnaalernissaat periusissiornermi isumaliutinut ilanngunneqartariaqarpoq.

Inatsisip tusarniutigineqareerneratigut Naalackersuisoqarfiup nammineerluni maluginiagai

Nassuiaatini nalinginnaasuni immikkoortoq 4-p ataani ”allaffissornikkut kingunerisassai”-ni suna pineqarnerseqqat ersarlummat iluarsineqarpoq.

Taassuma saniatigut takornarialerinermit akuersissutit taamaallaat CVR-normunut tunniunneqartartut ersarinnerulersillugu, § 7-imi oqaatsit atorneqartut Naalackersuisoqarfiup allanngortippai. Kisianni § 7-imi najugaqartussaataitaanermut aamma pigisanut nalilinnut piunnaasaqat inunnut tunngassuteqarpoq. Ingerlatseqatigiiffiit ileqqoreqqusaannik misissuinerup allaffissornikkut suliaasaanerujussua patsisaalluni, I/S inatsimmut ilaatinneqanngilaq.

Pisuttuarnissamut uppersaateqarnissamik, sillimmasiissuteqarnissamillu piunnaasaqat inunnut – takornariartitsinermit ingerlatsisunuunngitsoq – peqquneqartussanngorlugu, Naalackersuisoqarfiup § 15 aamma allanngortippaa.

Naalackersuisoqarfiup aamma paasivaa, akileraarutitigut immikkut aaqqiissuteqaraanni tamanna najugaqartussaataitaanermik naammassinninngitsoq – pisulli taakkua massakkut immikkut akuersissutinit matussuserneqarsimasussaapput.